



廬州府志卷四十八

賜進士出身廬州府知府溫陵張祥雲主修
大事志上

太史公爲年表始著大事記之名司馬公資治通鑑乃
倣其體言史者之要也況廬州南北之衝更變尤多乎
昔漢書志五行沈約宋書乃志符瑞事有得失而禍福
因之故以祥異附大事後云

尙書成湯放桀于南巢史記正義括地志云廬江樂縣有巢
湖卽尙書成湯伐桀放於南巢者也

尙書序巢伯來朝芮伯作旅巢命

按古居巢城在今廬州府巢縣治東北五里

春秋魯僖公三年徐人取舒杜預注舒國今廬江舒縣

按舒縣古城在今江南廬州府廬江縣西

左傳魯文公十二年楚成嘉爲令尹羣舒叛楚子孔執舒子平及宗子遂圍巢

左傳魯文公十四年楚莊王立子孔潘崇將襲羣舒使公子變與子儀守而伐舒蓼

春秋魯宣公八年楚人滅舒蓼左傳楚爲衆舒叛故伐舒蓼楚子疆之及滑汭盟吳越而還

杜預注舒蓼二國名孔疏以爲蓋傳寫誤當云一國名今廬州府廬江縣西故舒城是也滑汭當在今廬州府東境左傳魯成公十七年舒庸人以楚師之敗也道吳人圍巢伐

駕圍釐虺遂恃吳而不設備楚公子橐師襲舒庸滅之

按駕釐在今無爲州境虺在今廬江縣境

左傳魯襄公三年吳人伐楚取駕

左傳魯襄公十三年吳侵楚養由基奔命子庚以師繼之養由基請子庚爲三覆以待養由基誘之戰於庸浦大敗吳師獲公子黨

按庸浦在今無爲州南

左傳魯襄公二十四年吳人爲楚舟師之役故召舒鳩人舒

鳩人叛楚子師於荒浦荒浦舒鳩地使沈尹壽與師祁黎讓之舒

鳩子敬逆二子而告無之且請受盟乃還

左傳魯襄公二十五年舒鳩人卒叛楚令尹子木伐之及離

城吳人救之子木遽以右師先子疆息桓子捷子駢子孟帥
左師以退吳人居其閒七日子疆請以其私卒誘之簡師陣
以待我五人以其私率先擊吳師吳師奔簡師會之吳師大
敗遂圍舒鳩舒鳩潰八月楚滅舒鳩

按杜注離城舒鳩城在今舒城縣境

左傳魯襄公二十五年冬十二月吳子諸樊伐楚以報舟師
之役門於巢巢牛臣隱於短牆以射之卒

左傳魯昭公五年冬十月楚子以諸侯及東夷伐吳遠射以
繁陽之師會於夏汭越大夫常壽過帥師會楚子於瑣聞吳
師出遠啟疆帥師從之遽不設備吳人敗諸鵠岸楚師濟於
羅汭沈尹赤會楚子次于萊山遠射帥繁陽之師先入南懷

楚師從之及汝清吳不可入楚子遂觀兵于坻箕之山是行
也吳早設備楚無功而還

杜預注廬江舒縣有鵠尾渚按今江南太平府繁昌縣西
南大江中有鵠洲蓋自銅陵鵠頭山至三山爲鵠尾故江
曰鵠江岸曰鵠岸無爲州與繁昌縣相對鵠岸當在無爲
晉時無爲地屬舒縣故杜注云然俗以爲在今舒城東北
者誤也又按今廬州巢縣南三十七里有躑躅山輿地志
以爲卽坻箕山也

左傳魯昭公二十四年楚子爲舟師以略吳疆吳人踵楚而
邊人不備遂滅巢及鍾離而還

左傳魯定公二年桐叛楚吳子使舒鳩氏誘楚人日以師臨

廬州府志卷四十一
三
我我伐桐爲我使之無忌秋楚囊瓦伐吳師於豫章吳人見舟於豫章而潛師於巢冬十月吳軍楚師於豫章敗之遂圍巢克之獲楚公子繁

杜注桐小國廬江舒縣西南有桐鄉按今江南安慶府桐城縣北有古桐城卽桐國也與廬江縣接

左傳魯哀公十二年公會吳於橐臯吳子使太宰嚭請尋盟公不欲使子貢對曰盟所以周信也故心以制之玉帛以奉之言以結之明神以要之寡君以爲苟有盟焉弗可改也已若猶可改盟何益今吾子曰必尋盟若可尋也亦可寒也乃不尋盟

杜注橐臯在淮南逡迤縣東南按今廬州巢縣西北六十

里有柘臯漢之橐臯縣春秋吳邑是也

史記楚世家楚平王十年楚太子建母在居巢開吳吳使公子光伐楚遂敗陳蔡取太子建母而去惠王二年子西召故平王太子建之子勝於吳以爲巢大夫號曰白公

越王勾踐世家句踐已平吳乃以兵北渡淮與齊晉諸侯會於徐州句踐已去渡淮南以淮上地與楚楚世家越滅吳而不能正江淮北楚東侵廣地至泗上

伍子胥列傳吳王僚二年遣公子燭庸公子蓋餘將兵伐楚遂以其兵降楚楚封之於舒

秦始皇本紀二十六年立郡縣設九江郡割江淮諸邑通鑑注九江本楚地秦滅楚分置九江郡漢高帝更名淮南國

陳涉世家二世元年使汝陰人鄧宗徇九江郡

項羽本紀居鄴人范增往說項梁立楚懷王孫心爲楚懷王
按荀悅漢紀云范增阜陵人

項羽本紀義帝元年羽立當陽黥布爲九江王又云項羽北
擊齊徵九江王布布稱疾不往使將將數千人行項王由此
怨布

高祖本紀三年遣隨何使九江隨何以九江王布歸漢四年
立黥布爲淮南王都六、冊府元龜項籍死黥布遂剖符爲淮
南王都六九江廬江衡山豫章郡皆屬焉

項羽本紀漢五年大司馬周殷叛楚以舒屠六舉九江兵隨
劉賈彭越皆會垓下

高祖功臣侯表高祖七年封兄子劉信爲羹頡侯

高祖本紀十一年淮南王黥布反高祖自往擊之立子長爲
淮南王

文帝本紀二年淮南王長謀反廢徙蜀道死

諸侯年表漢孝文帝十二年城陽王喜徙淮南十五年初置
淮南國

文帝本紀十六年立淮南厲王子賜周陽侯爲廬江王阜陵
侯安爲淮南王

淮南厲王傳景帝二年七國反吳使者至淮南淮南王欲發
兵應之其相曰大王必欲應吳臣願爲將王乃屬之相已將
兵不聽王而爲漢因城守漢亦使曲城侯將兵救淮南以故

得完吳使者至廬江廬江王不應而往來使越至衡山衡山王堅守無二心上以爲貞信徒王王於濟北廬江王以邊越數使使相交徙爲衡山王王江北廬江國除爲郡

東越列傳漢武帝建元三年東甌請舉國徙中國乃悉舉衆來處江淮之間建元以來侯者年表孝武帝建元三年東甌王廣武侯望率其衆四萬餘人來降處廬江郡

漢書淮南王安傳武帝元狩元年淮南國除爲九江郡

漢書地理志廬江郡故淮南文帝十六年別爲國九江郡秦置高帝四年更名爲淮南國武帝元狩元年復故莽曰延平玉海呂氏大事記楊州刺史部廬江九江會稽丹陽豫章郡六安國凡五郡一國

城陽恭王祉傳元帝以劉敞有義行拜廬江都尉東觀記敞臨廬江歲餘遭旱行縣人持枯稻自言稻皆枯吏強責租敞應曰太守事也載枯稻至太守所酒數行以語太守太守曰無有敞以枯稻示之太守曰都尉事也敞怒叱太守曰鼠何敢爾刺史舉奏莽徵到長安免就國

冊府元龜何武爲楊州刺史時九江太守戴聖禮經號小戴者也行治多不法前刺史以其大儒優容之及武爲刺史以部錄囚徒有所舉以屬郡聖曰後進生何知乃欲亂人治皆無所決武使從事廉得其罪聖懼自免後爲博士毀武於朝廷武聞之終不揚其惡而聖子賓客爲羣盜得繫廬江聖自以子必死武平心決之卒得不死

廬江府志卷四十一
後漢書李憲傳王莽時爲廬江屬令莽末江賊王州公等起
衆十餘萬攻掠郡縣莽以憲爲偏將軍廬江連率擊破州公
莽敗憲據郡自守更始元年自稱淮南王建武三年遂自立
爲天子置公卿百官擁九城衆十餘萬四年光武幸壽春遣
揚武將軍馬成等擊憲圍舒至六年拔之憲亡走其軍士帛
意追斬憲而降建武六年封功臣堅鐔爲合肥侯
冊府元龜馬成拜揚武將軍督誅虜將軍劉隆等擊李憲進
圍於舒令諸軍各深溝高壘憲數挑戰成堅壁不出守之歲
餘至六年春城中食盡乃攻之遂屠舒斬憲追擊其黨與盡
平江淮地

漢書地理志壽春合肥受南北湖皮革鮑木之輸亦一都會

也

後漢書郡國志注廬江郡文帝分淮南置建武十六年省六
安國以其縣屬

按前漢廬江郡注故淮南文帝十六年別爲國此注當云
文帝分淮南置爲國若郡則置於景帝時也又按建武十
六年宋書志作十三年

後漢書王景傳建初八年爲廬江太守先是百姓不知牛耕
致地力有餘而食嘗不足郡界有楚相孫叔敖所起芍陂稻
田景乃驅率吏民修起蕪廢教用犁耕繇是墾闢倍多境內
豐給遂銘石刻誓令民知常禁又訓令蠶織爲作法制著於
鄉亭廬江傳其文辭

鄭均傳章帝元和元年詔告廬江太守曰前安邑令毛義躬履遜讓比徵辭病淳潔之風東州稱仁書不云乎章厥有常吉哉其賜穀千斛常以八月長吏存問賜羊酒顯茲異行

章帝紀元和元年冬十月詔廬江太守祠南嶽

元和二年改廬江國爲六安國徙江陵王恭爲六安王

和帝紀元興元年詔六安復爲廬江郡章懷注卽今廬州廬江縣故舒城是

安帝紀永初元年癸酉調揚州五郡租米贍給東郡濟陰陳留梁國下邳注五郡謂九江丹陽廬江吳郡豫章也揚州領六軍會稽最遠蓋不調也

四年二月丁巳廩九江貧民

永初七年九月調雲陵桂陽丹陽豫章會稽租米賑給南陽廣陵下邳彭城山陽廬江九江飢民又調濱水縣穀輸敖倉東觀記調濱水縣彭城廣陽廬江九江穀九十萬斛送敖倉安帝紀建光元年樂成王有罪廢爲臨湖侯

通鑑順帝陽嘉元年揚州六郡妖賊章和等寇四十九縣殺傷長吏注揚州九江丹陽廬江會稽吳豫章等六郡

通鑑建康元年揚徐盜賊羣起盤互連歲秋八月九江范容周生等寇掠城邑屯據歷陽爲江淮巨患遣御史中丞馮緄督州兵討之九月揚州刺史尹耀九江太守鄧顯討范容等於歷陽敗沒十一月九江盜賊徐鳳馬勉攻燒城邑鳳稱無上將軍勉稱皇帝築營於當塗山中建年號置百官十二月

九江賊黃虎攻合肥

通鑑沖帝永嘉元年二月太后以徐揚盜賊竝熾詔拜滕撫九江都尉與中郎將趙序助馮緄合州郡兵數萬人共討之三月撫等進擊眾賊大破之斬馬勉范容周生等夏五月下邳人謝安應募率其宗親設伏擊徐鳳斬之拜滕撫中郎將督揚徐二州事秋七月廬江盜賊攻尋陽又攻盱眙滕撫遣司馬王章擊破之冬十一月歷陽賊華蓋自稱黑帝攻殺九江太守楊岑滕撫進擊破之斬蓋等冊府元龜廬植爲九江太守以疾去官會南夷反叛以植嘗在九江有恩信拜爲廬江太守植深達政宜務存清靜宏大體而已

後漢書宋均傳遷九江太守郡多虎暴數爲民患嘗募設檻穽而猶多傷害均到下記屬縣曰夫虎豹在山鼃鼃在淵各有所託今爲民患咎在殘吏而勞勤張捕非憂恤之本也其務退姦貪思進忠善可一去檻穽除削課制其後傳言虎相與東游渡江中元元年山陽楚沛多蝗其飛至九江界者輒東西散去由是名稱遠近

冊府元龜宋均爲九江太守浚遼縣有唐后二山民共祠之眾巫遂取百姓男女以爲公嫗歲歲改易旣而不敢嫁娶前後守令莫敢禁約乃下書曰自今以後爲山娶者皆娶巫家勿擾良民于是遂絕

羊續傳官廬江太守揚州黃巾賊攻舒焚燒城郭續發縣中

男子二十以上皆持兵勒城其小弱者使負水灌火力戰大破之

玉海漢中興郡縣改易并省建和三年省六安屬廬江

冊府元龜盧植爲博士靈帝熹平四年九江蠻反四府選植才兼文武拜九江太守蠻寇賓服

冊府元龜孔融嘗謂功曹孔劭廊廟才也劭後從劉繇於江東及吳大帝統事數陳便宜大帝卽從之拜廬江太守

陽球傳九江山賊起連月不解三府上球有理姦才拜九江太守球到設方略凶賊殄破

按事在靈帝熹平六年

陸康傳廬江賊黃穰等與江夏蠻連結十餘萬人攻沒四縣

拜康廬江太守康申明賞法擊破穰等餘黨悉降

按事在靈帝光和三年

通鑑陸康爲廬江太守獻帝卽位天下大亂康蒙險遣孝廉計吏奏貢朝廷詔書策勞加忠義將軍秩中二千石時袁術屯兵壽春部曲飢餓遣使求委輸兵甲康以其叛逆閉門不通內修戰備將以禦之術大怒遣將孫策攻康圍城數重康固守吏士有先休假期者遁伏還赴暮夜緣城而入受敵二年城陷月餘病卒

通鑑袁術初稱以孫策爲九江太守已而更用丹陽陳紀後術遣策攻廬江太守陸康謂日前錯用陳紀每恨本意不遂今若得康廬江真卿有也策攻康拔之術復用其故吏劉勳

爲太守

魏志夏侯淵傳十四年太祖征孫權還使淵督諸將擊廬江叛者雷緒緒破

吳志孫策傳堅初舉義兵策將母徙居舒與周瑜相友收合士大夫江淮閒人咸向之注江表傳周瑜與策同年英達夙成聞策聲問自舒來造勸策徙居舒策從之

綱目建安三年袁術以周瑜爲居巢長瑜棄官渡江從孫策魯肅傳周瑜爲居巢長肅攜老弱將輕俠少年百餘人南到居巢就瑜

冊府元龜魯肅臨淮東城人與居巢長周瑜相親結瑜之東渡因與同行留家曲阿會祖母亡還奔東城劉子揚與肅書

曰方今天下豪傑竝起吾子姿才尤宜今日急還迎老母無事滯於東城近鄭寶者今在巢湖擁衆萬餘處地肥饒廬江閒人多依就之況吾子從乎觀其形勢又可博集時不可失足下速之肅答然其計

冊府元龜建安四年十二月袁術所署廬江太守劉勳率衆來降封爲列侯

綱目建安五年廬江盜梅乾雷緒陳蘭等寇江淮

魏志蔣濟傳建安十三年孫權率衆圍合肥時大軍征荊州遇疾疫唯遣將軍張喜單將千騎過領汝南兵以解圍頗復疾疫濟乃密白刺史僞得喜書云步騎四萬已到雩婁遣主簿迎喜三部使齎書語城中守將一部得入城二部爲賊所

得權信之遽燒圍走明年使于譙太祖問濟曰欲徙淮南民濟曰百姓懷土寔不樂從懼必不安太祖不從而江淮閒十餘萬眾皆驚走吳自廬江九江蘄春廣陵戶十餘萬皆東渡江江西遂虛合肥以南惟有皖城

綱目建安十三年孫權自將圍合肥廬江營帥雷緒率部曲數萬口歸劉備

臧霸傳張遼之討陳蘭霸別遣至皖討吳韓當使權不得救蘭當遣軍邀霸於夾石與戰破之還屯舒故遣數萬人乘船屯舒口分兵救蘭聞霸兵在舒遁還霸夜追之比明行百餘里邀賊前後擊之賊窘急不得上船赴水死者甚眾

通鑑建安十三年曹公遺孫權書曰今治水軍八十萬方與將軍會獵於吳十四年曹公引水軍自渦入淮出肥水軍合肥

肥劉馥傳孫策所置廬江太守李術攻殺揚州刺史嚴象廬江梅乾雷緒陳蘭等聚眾數萬在江淮閒郡縣殘破太祖表爲揚州刺史馥既受命單馬造合肥空城建立州治南懷緒等皆安集之貢獻相繼數年中恩化大行百姓樂其政流民越江山而歸者以數萬於是聚諸生立學校廣屯田興治芍陂及茹陂七門吳塘諸埭以溉稻田官民有蓄又高爲城壘多積水石編作草苫數千萬枚益貯魚膏數千斛爲戰守備建安十三年孫權率十萬眾攻圍合肥城百餘日時天連雨城欲崩於是以苫葺覆之夜然脂照城外視賊所作而爲備賊

以破走揚州士民益追思之及陂塘之利至今爲用
通鑑建安十四年秋七月曹操引水軍自渦入淮出肥水軍
合肥開芍陂屯田 十二月操軍還譙廬江人陳蘭梅成據
潯六叛操遣盪寇將軍張遼討斬之因使遼與樂進李典等
將七千餘人屯合肥

魏志劉華傳時廬江界有山賊陳策衆數萬人臨險而守先
時遣偏將致誅莫能禽克太祖問羣下可伐與否咸云山峻
高而谿谷深監守易攻難華曰策等小豎因亂赴險遂相依
爲彊耳非有爵命威信相服也往者偏將資輕而中國未夷
故策敢據險以守今天下略定後伏先誅夫畏死趨賞愚知
所同故廣武君爲韓信畫策謂其威名足以先聲後實而服

鄰國也豈況明公之德東征西怨先開賞募大兵臨之令宣
之日軍門啟而虜自潰矣太祖笑曰卿言是也遂遣猛將在
前大軍在後至則克策爲華所度

通鑑建安十七年呂蒙聞曹操欲東兵說孫權夾濡須水口
立塢諸將皆曰上岸擊賊洗足入船何用塢爲蒙曰兵有利
鈍戰無百勝如有邂逅敵步騎蹙人不暇及水其得入船乎
權遂從之冬十月曹操擊孫權至濡須吳志甘寧傳曹公出
濡須寧爲前部督受勅出斫敵前營權特賜米酒衆殺寧以
料賜手下百餘人食食畢寧先以銀盃酌酒自飲兩盃乃酌
與其都督都督伏不肯時持寧引白削置膝上呵謂之曰卿
見知於至尊孰與甘寧甘寧尚不惜死卿何以獨惜死乎都

督卽起拜持酒通酌兵各一銀盃至二更時銜枚出斫敵驚動遂退

江表傳曹公出濡須號步騎四十萬臨江飲馬權率衆七萬從之使寧領三千人爲前都督權密勅寧使夜入魏軍寧乃選手下百餘人徑詣曹公營下使拔鹿角踰壘入營斬得數十級北軍驚駭鼓譟舉火如星寧已還入營作鼓吹稱萬歲因夜見權權喜曰足以驚駭老子否聊以觀卿膽耳停住月餘北軍便退

冊府元龜孫觀爲青州刺史從征孫權於濡須口爲流矢所中穿左足力戰不顧及瘡甚遂卒

董襲傳曹公出濡須襲從權赴之使襲督五樓船住濡須口夜卒暴風五樓船傾覆左右散走舸乞使襲出襲怒曰受將軍任在此備賊何等委去也敢復言此者斬於是莫敢干其夜船敗襲死

張紘傳權以紘爲長史從征合肥權率輕騎將往突敵紘諫曰夫兵者凶器戰者危事也今麾下恃壯盛之氣忽彊暴之虜三軍之衆莫不寒心雖斬將搴旗威震敵場此乃偏將之任非主將之宜也願抑賁育之勇懷霸王之計權納紘言而止注吳書合肥城久不拔紘進計曰古之圍城開其一面以疑衆心今圍之甚密攻之又急誠懼并命戮力死戰之寇固難卒拔其救未至可小寬之以觀其變議者不同會救騎至數至圍下馳騁挑戰

冊府元龜吳大帝初爲吳侯漢建安十八年正月曹公出濡須作油船夜渡洲上權以水軍圍取得三千餘人其沒溺者亦數千人權數挑戰公堅守不出權乃自來乘輕舟從濡須口入公軍諸將皆以爲是挑戰者欲擊之公曰此必孫權欲身見吾軍部伍耳勅軍中皆嚴精弓弩不得妄發權行五六里迴還作鼓吹公見舟船器仗軍伍整肅喟然歎曰生子當如孫仲謀劉景升兒子若豚犬耳

呂蒙傳魏使廬江謝奇爲蘄春典農屯皖田鄉數爲邊寇蒙襲擊奇縮退其部伍後從權拒曹公于濡須勸權夾水口立塢曹公不能下而退曹公遣朱光爲廬江太守屯皖蒙攻破之權嘉其功卽拜廬江太守曹公又大出濡須權以蒙爲督

據前所立塢置彊弩萬張於其上以拒曹公曹公前鋒屯未就蒙攻破曹公引退

孫瑜傳從權拒曹公於濡須權欲交戰瑜說權持重權不從軍果無功瑜以永安人饒助爲襄安長無錫人顏運爲居巢長使招納廬江二郡

甘寧傳建安二十年從征合肥會疫疾軍旅皆已引出唯車下虎士千餘人并呂蒙蔣欽凌統及寧從權逍遙津北時遠觀望知之卽將步騎奄至寧引弓射敵與統等死戰寧厲聲問鼓吹何以不作壯氣毅然

凌統傳從往合肥爲右部督時權徹軍前部已發魏將張遼等奄至津北權使追還前兵兵已去遠勢不相及統率親近

三百人陷圍扶扞權出敵已毀橋橋之屬者兩板權策馬馳統復還戰左右盡死身亦被創所殺數十人度權已免乃還橋敗路絕統被甲潛行權既御船見之驚喜統痛親近無反者悲不自勝

江表傳權征合肥還爲張遼掩襲於津北幾至危殆賀齊時率三千兵在津南迎權權既入大船會諸將飲酒齊下席涕泣而言曰至尊人主常當持重今日之事幾至禍敗羣下震怖若無天地願以此爲終身誠權自前收其淚曰大慙謹以尅心非但書諸紳也

張遼傳太祖旣征孫權還使遼與樂進李典將七千餘人屯合肥太祖征張魯教與護軍薛悌署函邊曰賊至乃發俄而

權率十萬衆圍合肥乃共發教教曰若孫權至者張李將軍出戰樂將軍守護軍勿得與戰於是夜募敢從之士得八百人椎牛響將士明日大戰平旦遼被甲持戟先登陷陣斬二將大呼自名衝壘入至權麾下權大驚衆不知所爲走登高冢以長戟自守遼叱權下戰權不敢動望見遼所將衆少聚圍遼數重遼左右麾圍直前急擊圍開遼將麾下數十人得出還修守備衆心乃安諸將咸服權守合肥十餘日城不可拔乃引退建安二十一年太祖復征孫權到合肥循行遼戰處歎息者良久乃增遼兵徙屯居巢

冊府元龜李典爲破虜將軍與張遼樂進屯合肥吳大帝率衆圍之遼欲出戰典遼素不睦遼恐其不從典慨然曰此國

家大事耳願君計何如耳吾豈敢以私憾而忘公義乎乃率眾與遼破走吳軍

潘璋傳合肥之役張遼奄至諸將不備陳武鬪死宋謙徐盛等皆披走璋身次在後便馳進橫馬斬謙盛兵走者二人兵皆還戰

臧霸傳從討孫權於濡須口與張遼爲前鋒遇霖雨大軍先及水遂長賊船稍進將士皆不安遼欲去霸止之曰公明於利鈍寧肯捐吾等耶明日果有令

周泰傳曹公出濡須泰赴擊曹公退留督濡須朱然徐盛等皆在所部不伏也權特爲案行至濡須塢因會諸將大爲酣樂權自行酒到泰前命泰解衣權手自指其創瘡問以所起

泰輒記昔戰鬪處以畢使復服歡譙極夜明日遣使者授以御蓋盛等乃服

續漢書廬江自舒徙居皖

冊府元龜吳陳武從孫策征討有功策破劉勳多得廬江人料其精銳乃以武爲督所向無前尤爲大帝所親愛建安二十年從擊合肥奮命戰死

通鑑建安二十二年春正月魏王操軍居巢孫權保濡須二月操進攻之三月操引軍還留伏波將軍夏侯惇都督曹仁張遼等二十六軍屯居巢權令都尉徐詳詣操請降操報使修好誓重結婚權留平虜將軍周泰督濡須朱然徐盛等皆在部

蔣濟傳黃初三年與大司馬曹仁征吳仁欲攻濡須洲中濟曰賊據西岸列船上流入洲中是爲自納地獄危亡之道也仁不從果敗

玉海黃武元年九月魏命曹休等出洞口曹仁出濡須曹真等圖南郡大帝遣呂範以舟軍拒休諸葛瑾等救南郡朱桓以濡須督拒仁

通鑑建興元年魏師攻濡須不克引還黃初元年魏使大司馬曹仁步騎數萬向濡須仁欲以兵襲取洲上先揚聲欲東攻羨谿桓分兵將赴羨谿旣發率得仁進軍拒濡須七十里閒桓遣使追還羨谿兵兵未到而仁奄至時桓手下及所部兵在者五千人諸將業業各有懼心桓喻之曰凡兩軍交對

勝負在將不在衆寡諸軍聞曹仁用兵行師孰與桓耶兵法所以稱客倍而主人半者謂俱在平原無城池之守又謂士衆勇怯齊等故耳今仁旣非勇知加其士卒甚怯又千里步涉人馬罷困桓與諸君共據高城南臨大江北背山陵以逸待勞爲主制客此百戰百勝之勢也雖曹丕自來尙不足憂況仁等耶桓因偃旗鼓外示虛弱以誘致仁仁果遣其子泰攻濡須城分其將軍常雕督諸葛虔王雙等乘油船別襲中洲中洲者部曲妻子所在也仁自將萬人留橐臯復爲子泰等後拒桓部將攻取油船或別擊雕等桓身自拒泰燒營而退遂臯雕生虜雙送武昌臨陣斬溺死者千餘

冊府元龜建興元年十二月魏使將軍諸葛誕胡遵等步騎

廬州府志卷四十一
七萬圍東興甲寅太傅諸葛恪以大兵赴敵戊午兵及東興交戰大破魏軍殺將軍韓綜桓嘉等

冊府元龜吳丁奉爲諸葛恪部將魏諸葛誕胡遵等來伐攻東興恪率兵拒之及恪上岸時奉與將軍唐咨呂據雷贊等俱從山西上奉曰今軍行遲若敵據便地則難與爭鋒矣乃辟諸軍使下道帥麾下三千人徑進時風便舉帆二日至遂據徐塘天寒雪敵諸將置酒高會奉見其前部兵少相謂曰取封侯爵賞正在今日乃使兵解鎧著冑持短兵敵人從而笑焉不爲設備奉縱兵擊之大破敵屯會據等至魏軍遂潰

按徐塘在今無爲州

水經注昔諸葛恪帥師作東興隄以遏巢湖旁山築城使將軍全端雷略等各以千人守之魏遣司馬昭督征東諸葛誕率衆攻東關三城將毀隄作浮梁陳於隄上分兵攻城恪遣冠軍丁奉等鼓譟奮擊朱異等以水軍攻浮梁魏征東胡遵軍士爭渡梁壞投水而死者數千塘卽東興隄城亦關城也冊府元龜建興二年三月諸葛恪率軍伐魏四月圍新城大疫兵卒死者大半八月恪引兵還

冊府元龜司馬孚爲侍中吳將諸葛恪圍新城以孚督諸軍二十萬防禦之孚次於壽春遣母邱儉文欽等進討諸將欲速擊之孚曰夫攻者借人之力以爲功是當詐巧不可爭力也故稽留月餘乃進軍吳師望風而退

通鑑太和二年五月吳王使鄱陽太守周魴譎挑揚州牧曹

休魏揚州止得漢之九江廬江二郡地而江津要害之地多爲吳所據休率步騎十萬向皖以

應魴帝又使司馬懿向江陵賈逵向東關三道俱進秋八月

吳王至皖以陸遜爲大都督以朱桓全琮爲左右督各督三

萬人以擊休休與陸遜戰于石亭遜自爲中部令朱桓全琮

爲左右翼三道竝進衝休伏兵因驅走之追亡逐北斬獲萬

餘 六年十二月吳陸遜引兵向廬江論者以爲宜速救之

寵曰廬江雖小將勁兵精守則經時又賊舍船二百里來後

尾空絕不來尙欲誘致今宜聽其遂進但恐走不可及耳乃

整軍傍宜口吳人聞之夜遁

滿寵傳太和三年秋使曹休從廬江南入合肥令寵向夏口

寵上疏曰曹休雖明果而希用兵今所從道背湖旁江易進

難退此兵之窪地也若入無彊口宜深爲之備寵表未報休

遂深入賊果無彊口斷夾石要休還路休戰不利退走會朱

靈等從後來斷道與賊相遇賊驚走休軍乃得還四年孫權

揚聲欲至合肥寵表召克豫諸軍皆集賊尋退還被詔罷兵

寵以爲今賊大舉而還非本意也此必欲僞退以罷吾兵而

倒還乘虛掩不備也表不罷兵後十餘日權果更來到合肥

城不克而還

田豫傳孫權號十萬攻新城征東將軍滿寵欲率諸軍救之

豫曰賊悉衆大舉非徒投射小利欲質新城以致大軍耳宜

聽使攻城挫其銳氣不當與爭鋒也城不可拔衆必罷怠罷

怠然後擊之可大克也若賊見計必不攻城勢將自走若便

進兵適入其計又大軍相向當使難知不當使自畫也豫輒上狀天子從之會賊遁走後吳復來寇豫往拒之賊卽退諸軍夜驚云賊復來豫臥不起令衆敢動者斬有頃竟無賊

魏略張特守合肥新城及諸葛恪圍城特與將軍樂方等三軍衆合有三千人吏兵疾病及戰死者過半而恪起土山疾攻城將陷不可護特乃謂吳人曰今我無以復戰也然魏法被攻過百日而救不至者雖降家不坐也自受敵以來已九十餘日矣此城中本有四千餘人而戰死者已過半城雖陷尙有半人不欲降我當還爲相語之條名別善惡明日早送名且持我印綬去以爲信乃投其印綬以與之吳人聽其辭而不取印綬不攻頃之特還乃夜撤諸屋材柵補其缺爲二

重明日謂吳人曰我但有鬪死耳吳人大怒進攻之不能拔遂引去

滿寵傳青龍元年上疏曰合肥城南臨江湖北達壽陽賊攻圍之得據水爲勢官兵救之當先破賊大輦然後圍乃得解賊往甚易而兵往救之甚難宜移城內之兵其西三十里有奇險可依更立城以固守此爲引賊平地而掎其歸路於計爲便尙書趙咨以寵策爲長詔遂報聽其年權自出欲圍新城以其遠水積二十餘日不敢下船乃潛遣步騎六千伏肥城隱處以待之權上岸耀兵寵伏軍卒起擊之斬首數百魏志文欽傳明帝以欽爲淮南牙將轉爲廬江太守鷹揚將軍王淩奏欽貪殘不宜撫邊由是徵欽還

通鑑後主建興十二年權擊魏居巢湖口向合肥新城眾號十萬魏主叡自將擊卻之滿寵傳權自將至合肥新城寵馳往赴募壯士數十人折松爲炬灌以麻油從上風放火燒賊攻具射殺權弟子孫泰賊於是引還

魏志明帝紀青龍二年五月孫權入居巢湖口向合肥新城六月征東將軍滿寵進軍拒之寵欲拔新城守致賊壽春帝不聽曰昔漢光武遣兵縣據略陽終以破隗囂先帝東置合肥南守襄陽西固祁山賊來輒破于三城之下者地有所必爭也縱權攻新城必不能拔勅諸將堅守吾將自往征之比至恐權走也秋七月帝親御龍舟東征權攻新城將軍張穎等拒守力戰帝軍未至數百里權遁走八月遣使者持節犒

勞合肥壽春諸軍

朱然傳嘉禾三年權自向新城然與全琮各受斧鉞爲左右督會吏士疾病故未攻而還

劉劭傳魏明帝青龍中吳圍合肥時東方吏士皆分休征東將軍滿寵表請中軍兵并召休將士須集擊之劭議以爲賊眾新至心專氣銳寵以少人自戰其地若便進擊必不能制寵求待兵未有所失也以爲可先遣步兵五千精騎三千軍前發揚聲進道震曜形勢騎到合肥疏其行隊多其旌鼓曜兵城下引出賊後擬其歸路要其糧道賊聞大軍來騎斷其後必震怖遁走不戰自破賊矣帝從之兵比至合肥賊果退冊府元龜賈逵爲建威將軍豫州刺史明帝初吳孫權在東

關當豫州南去江四百餘里每出兵爲寇輒西從江夏東從廬江達以爲宜開直道臨江若權自守則二方無救二方無救則東關可取乃移屯潦口陳攻取之計帝善之

冊府元龜齊王嘉平中吳將諸葛恪圍合肥新城時城中遺士劉整及鄭像出城傳消息爲所執皆守節不回爲其所害

朱異傳延熙四年魏廬江太守文欽營住六安多設屯砦

通鑑正始三年十一月吳諸葛恪遠遣謀人觀相徑要欲圖壽春太傅懿將兵入舒欲以攻恪吳主徙恪屯于柴桑

冊府元龜孫峻爲大將軍五鳳二年正月魏征東將軍卞邱儉前將軍文欽以淮西之衆西入戰於樂嘉閏月壬辰峻與驃騎將軍呂據左將軍留贊率兵襲壽春軍及東興聞欽等

敗壬寅兵進於蒙臯欽詣峻降淮南餘衆數萬口來降

通鑑泰始四年十一月吳丁奉諸葛靚出芍坡攻合肥安東將軍汝陰王駿拒卻之

丁奉傳寶鼎三年孫皓命奉與諸葛靚攻合肥奉與晉大將石苞書構而間之苞以徵還

冊府元龜丁奉爲右大司馬左軍師吳孫皓建衡元年帥衆治徐塘因攻晉穀陽

晉書地理志高帝十一年立皇子長爲淮南王封劉渢爲吳王二國盡得揚州之地文帝十六年分淮南立廬江衡山二郡元封二年改淮南復爲九江後漢順帝省六安并廬江郡吳孫恪分廬江立廬陵南部都尉江西廬江九江之地自合

廬州府志卷四十一
肥之北至壽春悉屬魏

水經注六安晉太康三年爲廬江郡治

晉書陳敏傳敏爲尙書倉部令史及趙王倫篡逆三王起義兵久屯不散京師倉廩空虛敏建議曰南方米穀積數十年時將欲腐敗而不漕運以濟中州非所以救患周急也朝廷從之以敏爲合肥度支通鑑注陳敏自尙書令史出爲合肥度支漕運南方米穀以濟中州遷廣陵度支

冊府元龜華譚爲廬江內史時石冰之黨陸瑾等屯據諸縣譚遣司馬褚敦討平之又遣別軍擊冰都督徐蓋獲其驍率以功封都亭侯食邑千戶

冊府元龜華譚爲廬江內史舉寒族周訪爲孝廉訪果立功

名時以譚知人

通鑑永嘉五年六月江州刺史華軼自以受朝廷之命而爲琅邪王睿所督多不受其教合睿遣揚烈將軍廬江周訪擊軼軼兵敗訪追斬之

通鑑大興四年秋七月甲戌以尙書僕射戴淵爲征西將軍都督司兗豫并雍冀六州諸軍事司州刺史鎮合肥假節領兵名討胡寶備王敦也

通鑑永昌元年兖州刺史郗鑒在鄒山三年有衆數萬戰爭不息百姓饑饉爲後趙所逼退屯合肥

冊府元龜孫惠爲廣武將軍時元帝遣甘卓討周馥於壽陽東乃率衆應卓馥敗走廬江

冊府元龜 王廙爲廬江鄱陽二郡豫討周馥杜弼以功累贈封邑

冊府元龜 晉世宗四年二月壬戌詔諭廬州行府劉重進等令於淮南營內戰陣之處收其骸骨悉埋瘞之

通鑑 大寧元年秋七月帝畏王敦之逼欲以郗鑒爲外援拜鑒兖州刺史都督揚州江西諸軍事鎮合肥

通鑑 咸和元年十一月後趙石聰攻壽春祖約屢表請救朝廷不爲出兵聰遂寇邊殺掠五千餘人三年二月丙辰蘇峻攻清谿柵諸軍拒擊不能禁廬江太守陶瞻戰死六月毛寶進攻祖約軍於東關拔合肥戍

晉書成帝紀 三年蘇峻攻青谿王師大敗廬江太守陶瞻遇害死者數千人

冊府元龜 廬江主簿會州部從事欽有所按陶侃閉門部勒諸吏謂從事曰若鄙郡有違自當明憲直繩不宐相逼若不以禮吾能禦之從事卽退

通鑑 永和六年五月廬江太守袁真攻魏合肥克之

晉書哀帝紀 興寧二年夏四月慕容暉遣其將李洪侵許昌王師敗績桓溫遣西中郎將袁真江夏相劉岵等鑿楊儀道以通運溫率舟師次于合肥

晉書地理志 成帝僑立豫州於江淮之間居蕪湖并淮南廬

江安豐竝屬豫州 時淮南入北乃分丹陽 寧康元年於漢廬

江郡之南部置晉熙郡

冊府元龜何無忌為輔國將軍既破桓元眾侍衛安帝還京師以無忌督豫州揚州淮南廬江安豐歷陽堂邑五郡軍事玉海東晉以合肥淮陰壽陽泗口角城為重鎮大抵上明地名江陵夏口武昌合肥壽陽淮陰常為晉氏鎮守

廬州府志卷四十九

賜進士出身廬州府知府溫陵張祥雲主修

大事志下 祥異

通鑑宋武帝永初三年二月丁丑詔分豫州淮以東為南豫州治歷陽注義熙九年割揚州大江以西大雷以北悉屬豫州至是以淮西之地為北豫州治汝南沈約志南豫州領歷陽南譙廬江

南史宋本紀文帝元嘉二十一年春正月己亥南徐南兗南豫州揚州二浙江西並禁酒

通鑑文帝元嘉二十二年六月罷南豫州入豫州對蘭曰宋書魯爽傳元嘉二十九年五月遣爽秀爽弟程天祚等步騎

并荆州軍甲士四萬出許洛八月虜長社戍主永平公禿髮
幡乃同棄城走進向大索戍戍主僞豫州刺史跋僕蘭曰爽
勇而無防我今出城必輕來據之設伏檀山必可禽也爽果
夜進秀諫不止馳往繼之比曉虜騎夾發賴秀縱兵力戰虜
乃退

按檀山卽青檀山在今無爲州北四十里

南史沈慶之傳元嘉二十九年廬江叛吏夏侯方進在西陽
五水謹動羣蠻自淮汝閒至江沔咸罹其患遣慶之督諸將
討之

冊府元龜孝武帝孝建元年四月魯爽舉兵使弟瑜率三千
人據小峴爽尋以大衆阻大峴

冊府元龜薛安都世祖建武初爲輔國將軍時豫州刺史魯
爽反安都與副將譚金追爽于小峴爽自與腹心壯騎斷後
譚金先薄之不能入

通鑑孝武帝孝建元年夏四月上遣左軍將軍薛安都龍驤
將軍南陽宗越等戍歷陽與魯爽前鋒楊胡興等戰斬之爽
不能進畱軍大峴使魯瑜屯小峴上復遣鎮軍將軍沈慶之
濟江督諸將討爽爽食少引兵稍退自畱斷後慶之使薛安
都帥輕騎追之及爽于小峴爽將戰飲酒過醉安都望見爽
卽躍馬大呼直往刺之應手而倒瑜亦爲部下所殺

通鑑大明五年九月移南豫州治于湖

南史宋本紀孝武帝大明七年二月甲寅車駕巡南豫南兗

二州十一月丙子曲赦南豫州殊死以下

通鑑宋明帝泰始二年二月山陽王休祐在歷陽輔國將軍劉劭進軍小峴殷琰所署南汝陰太守裴季之以合肥來降注沈約曰江左置南汝陰郡所治卽合肥縣三月王子鄧琬遣其豫州刺史劉胡帥衆三萬鐵騎二千東屯鵠尾遣孫冲之帥薛常寶等萬人爲前鋒據赭圻子勛乃以陶亮統五州兵合二萬人俱下亮不敢進屯軍鵠洲休仁遣江方興等赴赭圻帥諸軍進戰大破前軍詔以沈攸之督前鋒陶亮大懼召冲之還鵠尾五月甲寅張永蕭道成等與薛索兒戰大破之薛安都子道智走向合肥詣裴季之降鄧琬以劉胡與沈攸之等相持久不決乃加袁顛督征討諸軍事六月

袁顛帥樓船千艘戰士二萬來入鵠尾秋七月辛丑劉胡遣輔國將軍薛道標襲合肥殺汝陰太守裴季之冬十月乙卯劉劭圍壽陽垣閔攻合肥俱未下劭患之召諸將會議馬隊主王廣之曰得將軍所乘馬判能平合肥劭卽推鞞下馬與之廣之往攻合肥三日克之薛道標突圍奔淮西

冊府元龜宋沈攸之爲冠軍將軍討晉安王子勛于鵠尾攸之繕治船舸材版不周計無所出會子勛將鄧琬送五千片榜供其將劉胡軍用俄而風潮奔迅榜後山出江湖等力不制自撞船艦殺沒數十人赴流而下來泊攸之等營於是材版大足此條疑有譌字

南史鄧琬傳琬遣豫州刺史劉胡屯鵠尾胡宿將沈攸之等

甚憚之胡鄉人蔡那倭長生張敬兒各領軍隸攸之在赭圻胡因與那等共語那等說令歸順胡回軍入鵠尾

南齊書劉懷珍傳泰始初除寧朔將軍率龍驤將軍王敬則姜產步騎五千討壽陽廬江太守王仲子南奔賊遣偽廬江太守劉道蔚五千人屯建武澗築三城懷珍遣軍主段僧愛等馬步三百餘人掩擊斬之

南史宋明帝紀泰始三年春正月癸卯曲赦豫南豫二州四年夏四月丙申改封東海王禕爲廬江王五年二月丙申以廬江王禕爲車騎將軍開府儀同三司南豫州刺史

宋書州郡志泰豫元年以南汝陰度屬豫州豫州之廬江度屬南豫州

通鑑宋昇明二年北魏寇淮淝齊以左將軍劉懷珍屯巢湖禦之

宋書州郡志南汝陰太守江左立汝陰令所治卽二漢晉合肥縣後省慎令漢屬汝南太康地理志屬汝陰晉熙太守晉安帝分廬江立安豐太守魏文帝分廬江立

南史齊高帝本紀建元二年春正月癸巳遣大使巡慰淮肥徐豫邊人尤貧遘難者

冊府元龜梁王國珍仕齊爲南譙太守治有能名時郡境苦饑乃發米散財以賑窮乏齊高帝手勅云卿愛人治國甚副吾意也

冊府元龜永明十一年七月下詔曰水旱爲災實傷農稼江

淮之間倉廩既虛遂草竊充斥互相侵奪依阻山湖成此逋逃曲赦南北克豫司徐五州南豫州之歷陽譙臨江廬江四郡三調衆逋宿債竝同原除

冊府元龜陸騰爲江州刺史明帝初合州民張喻兄弟反攻沒郡縣騰率兵討之

魏書世宗紀景明二年五月揚州小峴戍主黨法宗襲蕭衍大峴戍主破之擒其龍驤將軍邾菩薩送之京師三年六月辛丑衍將陷小峴戍

冊府元龜宣武初南齊裴叔業以壽春內附使王肅與彭城王勰率步騎十萬以赴之齊豫州刺史蕭懿率衆三萬屯于小峴交州刺史李叔獻屯合肥將圍壽春肅進師討擊大破之進討合肥生擒叔獻蕭懿棄小峴南走

冊府元龜傳豎眼宣武時爲建威將軍討揚州賊破之仍鎮于合肥齊民歸之者千戶

北史王世弼傳仕齊爲軍主助成壽春遂與裴叔業同謀歸誠除南徐州刺史封慎縣伯

南齊書州郡志永明二年割揚州宣城淮南豫州歷陽譙廬江臨江六郡置南豫州四年冠軍長史沈憲啟廬江居晉熙汝陰之中屬南豫求還西豫七年南豫州別駕殷瀟稱廬江屬南豫濱帶長江與南譙接境民黎租帛從流送州實爲便利遠踰西豫非其所願郡領濶舒及始新左縣村竹產府州採伐爲益不少府州新創異于舊藩資役多闕實希得廬江

請依昔分置詔可

按南豫州在今蕪湖西豫州在今潁上晉熙今懷寧汝陰今合肥以北

梁書武帝本紀齊和帝二年二月丙戌進梁公爵爲王以豫州之南譙廬江江州之尋陽郢州之武昌西陽南徐州之南琅邪南東海晉陵揚州之臨海永嘉十郡益梁國

馮道根傳天監二年魏分兵於大小峴東桑等連城相持魏將高祖珍以三千騎軍其間道根率百騎橫擊破之諸軍乃退韋叡圍合肥克之道根與諸軍竝進所在有功

通鑑天監三年庚戌征虜將軍趙祖悅與魏江州刺史陳伯載于東關祖悅敗績

梁書韋叡傳天監四年王師北伐詔叡都督衆軍叡遣長史王超宗梁郡太守馮道根攻魏小峴城未能拔叡巡行圍柵魏城中忽出數百人陳於門外叡欲擊之諸將皆曰向本輕來未有戰備徐還授甲乃可進耳叡曰不然魏城中二千餘人閉門堅守足以自保無故出人於外必其驍勇者也若能挫之其城自拔衆皆猶遲疑叡指其節曰朝廷授此非以爲飾韋叡之法不可犯也乃進兵士皆殊死戰魏軍果敗走因急攻之中宿而城拔遂進討合肥先是右軍司馬胡略等至合肥久未能下叡按行山川曰吾聞汾水可以灌平陽絳水可以灌安邑卽此是也乃堰肥水親自夜率頃之堰成水通舟艦繼至魏初分築東西小城夾合肥叡先攻二城旣而魏

援將揚靈允帥軍五萬奄至衆懼不敵請表益兵叡笑曰賊
已至城下方復求軍臨難鑄兵豈及馬腹且吾求濟師彼亦
徵衆猶如吳益巴邱蜀增白帝耳師克在和不在衆古之義
也因與戰破之軍人少安初肥水堰立使軍主王懷靜築城
於岸守之魏攻陷懷靜城千餘人皆沒魏人乘勝至叡隄下
其勢甚盛軍監潘靈祐勸叡退還巢湖諸將又請走保三義
叡怒曰寧有此耶將軍死綏有前無卻因令取繳扇麾幢樹
之隄下示無動志叡素羸每戰未嘗騎馬以版輿自載督勵
衆軍魏兵來鑿隄叡親與爭之魏軍少卻因築壘於隄以自
固叡起鬪艦高與合肥城等四面臨之魏人計窮相與悲哭
叡攻具旣成堰水又滿魏救兵無所用魏守將杜元倫登城
督戰中弩死城遂潰俘獲萬餘級牛馬萬數絹滿十間屋悉
充軍賞

冊府元龜薛眞度景明中爲平南將軍時梁豫州刺史王超
宗率衆圍逼小峴眞度遣兼統軍李叔仁等率步騎擊之超
宗逆來拒戰叔仁擊破之俘斬三千

冊府元龜任城王澄宣武時爲鎮南大將軍揚州刺史表曰
蕭衍頻斷東關欲令巢湖汎溢周回四百餘里東關合江之
際廣不過數十步若賊計得成大湖傾注者則淮南諸戍必
同晉陽之事矣

冊府元龜後魏夏侯道遷初仕南齊爲南譙太守歸國爲驍
騎將軍戍合肥道遷棄戍南叛

梁書裴邃傳天監初以邃爲輔國將軍廬江太守時魏將呂頗率軍五萬奄來攻郡邃率麾下拒破之加右軍將軍

通鑑注天監五年徙豫州治合肥

冊府元龜裴邃天監五年以右將軍廬江太守征邵陽洲大破之進尅平石城斬城主元康義又破霍邱城斬城主甯永仁平小峴攻合肥封夷陵縣子普通二年除豫州刺史

冊府元龜宣義將軍鎮合肥居身方正有威重將吏憚之少敢犯法

梁書夏侯直傳普通六年大舉北伐先遣豫州刺史裴邃帥譙州刺史湛僧智歷陽太守明紹世南譙太守魚宏晉熙太守張澄竝世之驍將自南道伐壽陽城未克而邃卒乃加直

使持節馳驛代邃與魏將河間王元琛臨海王元瑒等相拒頻戰克捷尋有密勅班師合肥以休士馬七年詔以壽陽依前代置豫州合肥鎮改爲南豫州以直爲使持節都督豫州緣淮南豫霍義定五州諸軍事雲麾將軍豫南豫二州刺史冊府元龜楊侃爲長孫稚揚州錄事參軍梁豫州刺史裴邃治合肥城規相掩襲密購壽春郭人李瓜花袁建等令爲內應邃已募勒兵士有期日矣而慮壽春疑覺遂謬移云魏始於馬頭置戍如聞復欲修白捺舊城若爾便稍相侵逼此亦須營歐陽設交境之備今版卒已集唯聽信還白捺佐寮咸欲以實答之云無修白捺意而侃曰白捺小城本非形勝邃好小黠令集兵遣移虛構是言得無有別圖也稚深悟之乃

廬山府志卷四十九
云錄事可造移報侃曰彼之募兵想別有意何爲妄搆白捺也他人有心子忖度之勿謂秦無人也遂得移謂已知覺便爾散兵瓜花等以期契不會便相告發伏辜者十餘家

冊府元龜鄭紹叔爲衛尉卿冠軍將軍時魏軍圍合肥紹叔以本號督衆軍鎮東關事平復爲衛尉移鎮關南

梁武帝本紀普通七年以壽陽置豫州合肥改爲南豫州

太清元年詔曰二豫分置其來久矣今汝穎尅定可依前代故事以廩瓠爲豫州壽春爲南豫改合肥爲合州

通鑑太清元年春正月乙卯以侯景爲南豫州牧本官如故更以鄱陽王範爲合州刺史鎮合肥梁書鄱陽王範傳時侯景已蓄姦謀將圖不軌累啟景有異志朱异每抑而不言

通鑑太清元年八月詔以合州刺史鄱陽王範爲南道都督

九月癸未景詐稱遊獵出壽陽人不知覺冬十月庚寅

景揚聲趣合肥而實襲譙州注譙州非渦陽之譙州其地當在唐廬和二州之間

通鑑太清三年六月鄱陽王範聞建康不守戒嚴欲入僚佐或說之曰今魏人已據壽陽大王移足則虜騎必窺合肥前賊未平後城失守將若之何不如待四方兵集使良將將精卒赴之進不失勤王退可固本根範乃止會東魏大將軍澄遣西兗州刺史李伯穆逼合肥範帥戰士二萬出東關以合州輸伯穆範屯濡須以待上游之軍遣世子嗣將千餘人守安樂柵魏書自序文襄勅收以書喻範範得書乃率部伍西

上刺史崔聖念入據其城文襄謂收曰今定一州卿有其力
梁書鄱陽王恢傳範請兵於魏遣二子爲質魏人據合肥竟
不出師救範

通鑑承聖元年正月齊人屢侵侯景邊地甲戌景遣郭元建
帥步軍趨小峴侯子鑒帥舟師向濡須己卯至合肥侯景傳
景二年正月遣郭元建率步軍趨小峴侯子鑒率舟師向濡
須曜兵肥水以示武成子鑒至合肥攻羅城克之俄聞王師
既近燒合肥百姓邑居引軍退

陳書韋載傳侯景之亂魯悉達樊俊等各擁兵保境觀望成
敗元帝以載爲假節都督太原高唐新蔡三郡諸軍事仍銜
命喻悉達等令出軍討景及大軍東下載率三郡兵自焦湖

出柵口與王僧辯會於梁山

陳書荀朗傳侯景之亂朗招率徒旅據巢湖間無所屬臺城
陷後簡文帝密詔授朗雲麾將軍豫州刺史令與外藩討景
侯景敗於巴陵朗出濡須截景破其後軍侯景平後又敗齊
將郭元建於脚躡山

按脚躡山卽昭五年左傳所稱坻箕之山在巢縣

北史暴顯傳遷北徐州刺史天保中以贓貨解州大理禁止
處判未訖爲合肥被圍遣顯與步大汗薩等攻梁徐州禽其
刺史王疆

冊府元龜上黨王渙以文宣六年率衆送梁王蕭明還江南
仍破東關斬梁時進裴之橫等威名甚盛

廬州府志卷四十九
冊府元龜徐度梁元帝時爲寧朔將軍合州刺史侯景之亂
每戰有功加通直散騎常侍封廣德縣侯邑五百戶遷散騎
常侍

陳書周鐵虎傳時有盱眙馬明字世朗梁世事鄱陽嗣王蕭
範侯景之亂據廬江之東界拒賊臨城柵元帝撥散騎常侍
平北將軍北兗州刺史領廬江太守

冊府元龜孝元帝承聖二年九月西魏遣郭元建治舟師于
合肥

陳書侯瑱傳承聖二年齊遣郭元建出自濡須王僧辯遣瑱
領甲士三千築壘於東關以扞之大敗元建

敬帝紀太平元年齊遣大將蕭軌出柵口向梁山司空陳霸
先軍主黃敢逆擊大破之

通鑑梁敬帝紹泰元年周迪出東興誘陳南豫州刺史周敷
殺之

玉海梁雍州下澁戍夏口白苟堆硤石城合州卽合鍾離淮
陰胸山爲重鎮

北齊書封子繪傳天保七年授合州刺史到州未幾值蕭軌
裴英起等江東敗沒行臺司馬恭發歷陽徑還壽春疆場大
駭兼在州器械隨軍略盡城隍樓雉虧壞者多子繪乃修造
城隍樓雉繕治軍器守禦所須畢備人情漸安尋勅於州營
造船艦子繪爲大使總監之陳武帝曾遣其護軍將軍徐度
等率輕舟從柵口歷東關入巢湖徑襲合肥規燒船舫以夜

一更潛寇城下子繪率將士格戰陳人奔退

陳書侯瑱傳侯瑱爲都督西討諸軍事瑱於梁山與王琳相持百餘日未決元嘉元年二月東關春水稍長舟艦得通王琳亦引合肥巢湖之衆舳艫相次而下其勢甚盛瑱率軍進獸檻州琳亦出船列於江西隔州而泊明日合戰琳軍少卻退保西岸及夕東北風大起吹其舟艦竝壞沒於沙中溺死者數十百人琳入浦以鹿角繞岸不敢復出

冊府元龜王琳在梁爲湘州刺史及爲陳將所敗入齊齊孝昭帝遣琳出合肥鳩集義故更圖進取琳乃繕戰艦分遣招募淮南僉楚皆願戮力

冊府元龜黃法蕤爲南豫州刺史大興北伐以法蕤爲都督出歷陽齊遣其歷陽王步騎五萬來援於小峴築城法蕤遣左衛將軍樊毅分兵於大峴禦之大破齊軍進兵合肥望旗降欵

陳書宣帝紀大建五年北伐四月癸卯前巴州刺史魯廣達克齊大峴城五月甲戌徐慢克廬江郡丙戌廬陵內史任忠軍次東關克其東西二城進克蘄城戊子又克譙郡城六月乙巳任忠克合州外城癸卯黃法蕤克合州城冬十月以黃法蕤爲征西大將軍合州刺史

大建六年四月割合州之南梁郡隸入譙州

大建七年春三月辛未詔豫二兗譙徐合霍南司定九州及南豫江郢所部在江北諸郡置雲旗義士在大軍及諸鎮備

防

大建十年十二月乙亥合州廬江蠻田伯興出寇樅陽刺史魯廣達討平之

大建十一年十一月甲午周遣柱國梁士彥率衆至朮口丙午新除仁威將軍右衛將軍魯廣達率衆入淮是日樊毅領水軍二萬自東關入焦湖戊申豫州陷辛亥霍州又陷十二月乙丑南北克晉三州及盱眙山陽陽平馬頭歷陽沛北譙南梁等九州竝自拔自是淮南之地盡沒於周

周書宗元饒傳時合州刺史陳哀賊汙狼藉遣使就渚斂魚又於六郡乞米百姓苦之元饒劾奏曰謹案鍾陵縣開國侯合州刺史臣哀因藉多幸預逢抽擢爵由恩被官以私加無

德無功坐尸榮貴之地久淪非所云云臣等參議請依旨免哀所應復除官其應禁錮及後選左降本資悉依免官之法遂可其奏

隋書文帝本紀開皇八年冬十月甲子令晉王廣秦王俊清河公楊素竝爲行軍元帥以伐陳於是晉王出六合秦王出襄陽清河公楊素出信州新義公韓擒出廬江

冊府元龜韓擒虎開皇中爲廬州總管委以平陳之任甚爲敵人所憚

隋書煬帝本紀大業十二年冬十二月壬辰鄱陽人林士宏自稱皇帝國號楚建元太平攻陷九江廬江郡

大業十三年三月戊午廬江人張子路舉兵反遣右禦衛將

軍陳稜討平之丁丑賊帥李通德衆十萬寇廬江左屯衛將軍張鎮州擊破之

地理志廬江郡梁置南豫州又改爲合州開皇初改爲廬州合肥縣梁曰汝陰置汝陰郡後齊分置北陳郡開皇初郡廢縣改名焉廬江縣齊置廬江郡梁置湘州後齊州廢開皇初郡廢襄安縣梁曰靳開皇初改焉

恭帝本紀義寧元年十二月乙巳賊帥張善安陷廬江郡

冊府元龜唐武德四年六月遣趙郡王孝恭率巴蜀兵沿流下廬江以圖蕭銑十月尅之

冊府元龜唐貞觀十七年閏六月潭濠廬三州疾疫遣醫療焉十八年自春及夏廬濠巴普郴疾疫遣醫往療

冊府元龜唐中宗神龍二年十二月贈廬州刺史朱敬則秘書監褒異行也敬則亳州人嘗與三從兄同居四十餘年財物無異

唐書朱敬則傳出爲鄭州刺史改廬州代還無淮南一物所乘止一馬子曹步從以歸

方鎮表至德元載置淮南節度使領揚楚滁和壽廬舒光蘄安黃申沔十二州治揚州 興元元年淮南節度罷領壽廬濠三州升壽州團練使爲都團練觀察使領壽濠廬三州四年淮南節度復領廬壽二州 十六年置舒廬滁和四州都團練使隸淮南節度

冊府元龜唐德宗貞元六年八月河南河北山南江淮凡四

十餘州大水遣京兆少尹韋武往揚楚廬壽徐潤蘇常湖等州宣撫應諸州百姓因水不能自存者委宣撫使振給

冊府元龜貞元八年八月令京兆少尹韋武往揚楚廬壽徐等州宣撫詔曰諸州百姓因水不能自存者委宣撫使賑給死者各加賜物所在官爲斂收埋瘞其田苗所損委宣撫使與所在長吏具奏於戲一夫不獲一物失所刑罰不中賦斂不均皆可以失陰陽之和致水旱之沴其繫囚及獄訟久未決者委所在長吏卽與疏辨務從寬簡俾伸冤滯貪官暴吏倚法害公特加懲肅用明典憲災傷之後切在撫綏咨爾方鎮之臣洎於守宰咸宜悉乃心力以恤凶災宣布朕懷使各知悉

唐書羅珣傳擢廬州刺史民間病者捨醫藥禱淫祠下令止之修學宮政教簡易有芝草白雀淮南節度使杜佑上治狀賜金紫服

韋虛心傳荊州有鄉豪負勢干法籍其貲入之官以廬江多盜遂縣舒城盜賊爲衰

冊府元龜張建封爲壽廬等三州都團練使時李希烈選兇黨精悍者率勁兵以討建封累月竟不能克遂退

唐書李翱傳爲廬州刺史時州旱遠疫遭捐繫路亡籍口四萬權豪賤市田屋牟厚利而窶戶仍輸賦翱下教使以田占租無得隱收豪室稅萬二千緡貧弱以安

冊府元龜唐開成三年十一月甲戌戶部侍郎李珣奏廬州

舒城縣太平鄉百姓徐行周叔伯兄弟五代同居請免其同籍戶稅從之

黃巢傳乾符二年賊分奇兵圍舒擊廬壽光等州

通鑑唐咸通九年桂州戍卒作亂推糧料判官龐勛爲主分遣其將丁從實各將數千人南寇舒廬破巢縣

唐書天祐元年廢舒廬滁和四州團練使置光州防禦使

冊府元龜黃文靖爲諸軍指揮使太祖平定巢蔡克鄆皆有

功天祐二年春命佐楊師厚深入淮甸赴壽春侵廬江

唐書地理志淮南道其名山濤天柱羅塗八公其大川滁肥

巢湖厥賦絕絹綿布厥貢絲布紵葛廬州廬江郡上土貢花

紗交梭絲布茶蠟酥鹿脯生石斛戶四萬三千三百二十三

口二十萬五千三百九十六縣五合肥緊慎梁巢上本襄安

武德三年置巢州并析置開成扶陽二縣七年州廢省開成

扶陽以巢來屬東南四十里有故東關廬江緊有孺山白茅

山有銅舒城上開元二十三年析合肥廬江置

唐書地理志太宗因山川形便分天下爲十道七曰淮南道

通鑑五代乾化三年以王景仁爲淮南西北行營招討應接

使將兵萬餘侵廬州吳鎮海節度使徐溫平廬節度使朱瑾

帥諸將拒之梁兵退

唐書楊行密傳秦宗權寇廬壽開刺史募殺賊差首級爲賞

行密以功補隊長自爲八營都知兵馬使淮南節度高駢因

表爲廬州刺史駢將呂用之恐行密不可制遣俞公楚以兵

表爲廬州刺史駢將呂用之恐行密不可制遣俞公楚以兵

五千屯合肥名討黃巢而陰圖之行密擊殺公楚秦宗權遣弟度淮取舒城行密破走之 光啟二年張敖遣將魏虔攻廬州大將李神福田頽破之 蔡儔爲孫儒所破以廬州降 蔡儔以廬州叛附朱全忠納孫儒將張顥而倪章據舒州與儔連和行密遣李神福攻儔破其將儔堅壁不出顥超堞降

冊府元龜唐人權懷恩爲合州刺史所歷皆以威名御下人吏重足而立

冊府元龜尹重筠者郢州刺史寔之子也隱帝乾祐二年寔上章謝釋男重筠之罪寔於汝州梁縣有別業所供稅賦大而恃郡侯家不時輸送梁縣令羅延賞答其知莊吏會重筠至以笞莊吏爲恥無以報怨自朝廷以誣告殺李崧後凡僕使輩皆相做流言脇主以告事爲詞而稍涉迹危者姑息不暇重筠乃詐爲延賞與李守貞書言欲殺刺史據汝州應接守貞封書僞遺于途吏得之送刺史石公霸明之延賞幾遭陷害

圭景仁傳末帝以景仁爲淮南招討使使攻廬壽

冊府元龜五代周太祖廣順六年正月命廬州開倉出陳麥以糶之蓋克復之後民多阻饑故廉其價以惠之也

按廣順無六年疑誤

冊府元龜顯德元年十一月以宰臣李穀爲淮南道行營都部署知廬壽州行府事

冊府元龜周世宗顯德三年二月朗州刺史王進達上言領兵攻下淮南長山砦攻殺賊軍三千餘三月鐵騎右廂都指揮使高懷德上言殺廬州賊軍七百餘眾於其城下 七月廬州行營都部署劉重進上言敗淮賊千五百人於廬州 五代史職方考廬州周世宗克淮南置保信軍

南唐世家世宗屯於渦口欲再幸揚州宰相范質以師老泣諫乃班師以李重進攻廬壽

南唐世家交泰元年楊泰滁和壽濠泗楚光海等州已為周得景遂獻廬舒蘄黃畫江以為界

宋元通鑑太平興國七年二月乙酉特賞廬州管內逋米一萬七千二百四十石

宋史楊允恭傳巢廬江二縣舊隸廬州道遠多寇民輸勞費允恭請以二縣建軍詔許之

宋元通鑑端拱二年又十月廬州妖尼道安誣訟徐鉉道安當反坐叛大理寺王禹偁抗疏雪鉉請論道安罪坐貶商州團練副使

宋史劉筠傳以右諫議知廬江筠素愛廬江遂築室城中構閣藏前後所賜書帝飛白書曰真宗聖文秘書奉之閣

朱服傳元豐中知泉婺寧廬壽五州廬人饑守便宜振護全活十餘萬口明年大疫又課醫持善藥分拯之賴以安者甚

廬州府志卷四十九

胡舜陟傳大觀三年進士知廬州時淮西盜賊充斥廬人震恐日具

舟楫爲南渡計舜陟至修城治戰具人心始安冀州雲騎卒
孫琪聚兵爲盜號一海鰕至廬舜陟乘城拒守琪邀資糧舜
陟不與乃時出兵擊其抄掠者琪宵遁舜陟伏兵邀擊得其
輜重而歸

李彥穎傳高宗二年以湯邦彥爲申議國信使且命福建造
海船起兩淮民兵赴合肥訓練彥穎言兩淮州縣去合肥遠
者千餘里近亦二三百里令民戶三丁起其二限三月而罷
事未集民先失業矣今不得已令三百里內家起一丁詣合
肥三百里外就州縣訓習日增給米錢限一月罷庶不大擾
從之

金安節傳楊存中議省江淮州縣安節言廬之合肥和之濡

須

含山西南

皆昔人控扼孔道魏明帝云先帝東置合肥南守襄

陽西固祁山賊來輒破於三城之下孫權築濡須塢魏軍屢
次不克守將如甘寧等常以寡制眾蓋形勢之地攻守百倍
豈有昔人得之成功今日有之而反棄之耶且濡須巢湖之
水上接店步下接江口可通漕舟乞擇將經理存中議遂格
玉海建炎三年七月以胡舜陟爲淮西制置使注淮東揚
淮西廬
宋史高宗本紀建炎三年十一月金人犯廬州守臣李會以
城降四年淮西敗將崔增陷焦湖水砦

食貨志建炎四年貸廬州民錢萬緡以買耕牛

兵志建炎後諸屯駐大軍淮西廬州彊勇前軍彊勇右軍武
定遊奕忠義雄邊全年諸軍淮西無爲巢縣池司右軍

金本紀太宗八年四月阿魯補及宋戰於柘臯勝之阿魯補傳廬州叛以偏師討之敗其騎六千擒三校明日復破敵二萬於慎縣斬首五百張永合步騎數萬來戰阿魯補兵止二千敵圍之阿魯補力戰竟敗之追殺四十里獲馬三百而還再攻廬州與迪古不敗敵萬眾於柘臯至廬州騎兵五百出戰敗之斬其二校

宋史高宗本紀紹興元年劉豫遣將王世冲寇廬州守臣王亨大破之斬世冲二年十二月巨師古引兵入廬州執王亨送行在

玉海紹興二年七月無爲軍守臣王彥恢言大江以南欲控扼非戰艦不可制飛虎戰艦傍設四輪每輪八楫四人旋斡日行千里又有神武戰車比之蒙衝偏箱鹿角此尤至要詔就本軍措置

宋史高宗本紀紹興三年二月王全犯廬州三月命統制巨師古部兵萬人屯揚州胡舜陟至廬州王全降統制名世達及林湛合兵大破湖賊於龍陽州是月王彥先引兵至北壽春將渡淮遣酈瓊駐無爲軍爲廬濠聲援賊乃還

四年十二月金齊兵逼廬州仇念嬰城固守岳飛所遣統制徐慶牛臯援兵適至敗走之劉光世亦遣統制靳賽戰於慎縣

仇念傳以淮西宣撫知廬州劉豫子麟合金兵大入民情洶懼宣撫司統制張琦者冀乘危爲亂驅居民越江南走欲先

脅愈出擁甲士數千突入露又登樓揚白麾左右驚潰迫愈上馬愈徐謂曰若輩無守土責吾當以死徇國寇未至而逃人何賴焉堅不爲動琦等錯愕遽散其徒人心遂定愈募廬壽兵得數百益鄉兵二千出奇直抵壽春敵三戰皆北卻走渡淮其後麟復以步騎數千至合肥諜言兀朮爲之殿人心怖駭不知所爲會牛皐統兵適至愈以忠義感之皐素勇甚以二千餘騎馳出短兵相接所向披靡敵遂自潰初宣撫司旣不以一卒援諸郡但令焚積棄城退保愈謂殘破之餘兵食不給誠不能支敵然帥臣任一路之責誓當死守今若委城使金人有淮西治兵艦於巢湖必貽朝廷憂浚韙其言卒以全活數州之眾

宋史張運傳紹興五年運判鼎州移貳濡須金人犯廬壽等州大將駐兵淮壩須以拒之運給餉未嘗乏絕

宋史王萬傳論用兵謂淮東可精兵三萬光黃可二萬東西夾擊而沿江制司會合肥兵共二萬以牽制其中行則結營陳止則依城壘行則齎餼糧止則就食州縣又謂戎司舊分地戍守殿步兵戍真揚六合鎮江兵戍揚楚盱眙建康馬司兵戍滁濠定遠都統司兵戍廬和安豐以至池司兵戍舒蘄巢縣江司兵戍蘄黃浮光地勢皆順以統制部之出外而皆有帥臣居內以本軍財賦葺營柵撫士卒備器械以故軍事常整齊

高宗本紀紹興五年進廬泰二州守禦官屬各一官六月張

浚渡江撫淮上諸屯命劉光世自當塗進屯廬州
紹興六年九月劉豫起兵三十萬命子麟趣合肥姪猷出渦
口引兵分道入寇十二月詔降廬光濠等州死罪釋流以下

囚

紹興七年八月乙未以楊沂中爲淮西制置使主管侍衛馬
軍司劉錡副之竝駐廬州酈瓊率兵赴行在戊戌酈瓊叛
宋史張浚傳劉麟逼合肥張俊請益兵劉光世欲退師趙鼎
及簽書折彥質欲召岳飛兵東下御書付浚浚令光世楊沂
中等還保江浚奏俊等渡江則無淮南而長江之險與敵共
矣詔書從之沂中兵抵濠州光世舍廬州而淮南西洶動浚
聞疾馳至采石令其眾曰有一人渡江者斬光世復駐軍與

沂中接劉猷攻沂中沂中大破之 劉光世在淮西軍無紀
律浚奏罷光世以其兵屬督府命參謀兵部尙書呂祉往廬
州節制而樞密院以督府督兵爲嫌乃以王德爲都統制卽
軍中取酈瓊副之浚奏其不當瓊亦與德有宿怨列狀訴乃
命浚爲宣撫使楊沂中劉錡爲制置判官以撫之未至瓊等
舉兵叛執呂祉以歸劉豫

紹興七年八月辛丑手詔赦廬州屯駐行營左護軍壬寅酈
瓊引兵至淮殺呂祉及趙康直釋趙不羣使還劉錡吳錫至
廬州以兵追之不及

紹興七年九月丁卯韓世忠張俊入見乃命俊自盱眙移屯
廬州戊寅以廬州壽春府民遭酈瓊虜掠蠲租稅一年戊子

以劉琦知廬州兼淮西制置副使

紹興八年五月己酉王庶至淮南檄張宗顏將兵七千屯廬

州乙亥以中軍統制張宗顏知廬州命劉琦率兵移屯鎮江

府

宋史李顯忠傳兀朮犯合肥手詔以軍與張俊會顯忠至孔

城鎮與敵戰敗之兀朮謂韓常曰李世輔歸宋不會立功

奔夏國此人敢勇宜且避之乃焚廬江而走

顯忠初名世輔

宋高宗本紀紹興十一年正月金人度淮乙丑劉琦至廬州

還丙寅兀朮陷廬州二月己卯統制關師古李橫擊敗於巢

縣復之二月癸未劉琦自東關擊敗金人於青谿李顯忠遣

統制崔臯擊敗金人於舒城縣丁亥楊沂中劉琦等大敗兀

朮軍於柘臯己丑兀朮親率兵逆戰於店步沂中等又敗之

乘勝逐北遂復廬州

玉海廬州制置副使安撫使九郡強勇軍都統制合肥為淮

西根本一道都會地大以要江北唇齒淮右襟喉

楊存中傳紹興十一年兀朮恥順昌之敗復謀來侵詔大合

于淮西以待之於是存中以殿司兵三萬卒戍淮與金人戰

于柘臯敗之時金人以拐子馬翼進存中奮擊大敗之

劉錡傳金人攻廬和二州自太平渡江抵廬州與張俊楊沂

中會而敵已大至錡據東關之險以遏其衝引兵出清溪兩

戰皆勝乃至柘臯與金人夾石梁河而陣河通巢湖廣二丈

錡命曳薪壘橋須臾而成遣甲士數隊沿橋臥槍而坐會沂

中王德田師中張子蓋之軍俱至德率眾鏖戰沂中以萬兵各持長斧奮擊之敵大敗錡與德追之又敗于東山

王德傳十一年金人自合肥入侵游騎及江張俊議分軍守南岸德曰淮北江之蔽也棄淮不守是謂唇亡齒寒卽渡采石俊督軍繼之夜拔和州晨迎俊入敵退保昭關又擊走之追至柘臯與金人夾河而軍諸將帥皆集惟張俊後至統制田師中欲待之德怒曰事當機會復何待徑上馬兀术以鐵騎十餘萬夾道而進德曰敵右陣堅我當先擊之麾軍渡橋首犯其鋒一酋被甲躍馬始出德引弓一發而斃乘勝大呼令萬兵持長斧如牆而進敵大敗退屯紫金山

冊府元龜紹興十一年諸將罷兵五月辛丑置三總領胡紡

淮東吳彥璋淮西乾道六年四月併淮東于淮西七年復舊

高宗本紀紹興十五年五月蠲廬光二州上供錢米一年

紹興二十七年十一月蠲廬州二稅及上供錢米一年

宋史葉衡傳合肥瀕湖有圩田四十里衡奏募民以耕歲可得穀數十萬蠲租稅二三年後阡陌成做營田官私各收其半從之

紹興三十一年十月王權聞金兵大至自廬州引兵遁昭關已酉知廬州龔濤聞金兵將至棄城走癸丑金人圍廬州都監權州事楊椿率兵突陣出守水砦甲寅金主亮以大軍至廬州城北之五里築土城以居丙辰金主亮入廬州 十一月壬申金人游騎至無爲軍守臣韓髦棄城走甲戌池州統

制官崔定等復入無爲軍十二月楊椿夜攻金人殺其帥高定山復廬州

金史宗弼傳天眷三年宗弼還軍進伐淮南克廬州

王伯龍傳天輔六年破王善之衆于巢縣取廬州

烏延胡里改傳天會八年金攻廬州至柘臯鎮胡里改領甲

士三十爲前鋒執宋所遣持書與劉四廂鑄者七人

廢帝紀正隆六年九月上自將三十二總管伐宋丁未大軍

渡淮將至廬州獲白鹿以爲武王白魚之兆敗宋兵于巢縣

斬二百級

阿鄰傳天德二年海陵南伐以爲神勇武平等軍都總管十

月至廬州與宋將王權軍十餘萬戰于柘臯鎮渭子橋敗之

玉海紹興司封格防禦州自琅邪以下凡三十五軍事州自

淄至滁凡百有七淮西軍二無爲安豐

宋史食貨志乾道八年罷廬州屯田

孝宗本紀隆興二年十一月詔臺諫侍從兩省官舉楚廬滁

濠四州守臣

隆興三年詔蠲光濠廬三州壽春府賦一年

隆興四年十一月遣知無爲軍徐子寅措置楚州官田招集

歸正忠義人以耕

隆興五年三月詔趣修廬和二州城

隆興六年正月以奉國軍承宣使知廬州郭振爲武泰軍節

度使

薛季宣傳宰相虞允文令行淮西收流民以實邊季宣爲表廢田相原隰復合肥三十六圩立二十二莊於黃州故治東且以戶授屋以丁授田頒牛及田器穀種各有差廩其家至秋乃止凡爲戶六百八十有五分處合肥黃州竝邊歸正者振業之季宣謂人曰吾非爲今日利也合肥之坪邊有警因以斷柵江保巢湖黃州地值蔡衝諸莊輯則西道有屏蔽矣及入見言曰日城淮郡以臣所見合肥版幹方立中使督視卒卒成之臣行過郡一夕風雨墮樓五堵溧陽南壁闕而居巢庫陋如故乃聞有靡錢鉅萬而成城四十餘丈者陛下安取此

隆興九年正月修廬州城

石
食貨志紹熙五年蠲廬州旱傷百姓貸稻種二萬三千一百

地理志廬州望保信軍節度大觀二年升爲望舊領淮南西路兵馬幹轄建炎二年兼本路安撫使紹興初寄治巢縣乾道二年置司於和州五年復舊崇寧戶八萬三千五十六日一十七萬八千三百五十九貢紗絹蠟石斛縣三合肥上舒城下梁中本慎慎縣紹興三十二年避孝宗諱改今名無爲軍同下州太平興國三年以廬州巢縣無爲鎮建爲軍以巢廬江二縣來屬建炎二年入于金尋復景定三年升巢縣爲鎮巢軍崇寧戶六萬一百三十八口一十一萬二千一百九十九貢絹縣三無爲望熙寧三年析巢廬江二縣地置縣巢

望至道二年移治郭下紹興五年廢六年復十一年隸廬州
十二年復來屬景定三年升軍屬沿江制置使司廬江望有
崑山礬場

宋史食貨志鹽其在淮南曰楚州鹽城監通州豐利監泰州
海陵監如臯倉小海場各給本州及淮南之廬和舒蘄黃州
無爲軍江南兩浙荆湖等處

食貨志宋榷茶之制擇要會之地爲榷貨務六其一曰無爲
軍茶貨任淮南則蘄黃廬舒光壽六州官自爲場置吏總謂
之山場者十三六州採茶之民皆隸焉謂之園戶歲課作輸
租餘則官悉市之其售於官者皆先售錢而後入茶謂之本
錢又民歲輸稅願折茶者謂之折稅茶總爲歲課八百六十

五萬餘斤其出鬻皆就本場夢溪筆談廬州王同場買茶二
十九萬七千三百二十八斤賣錢一萬四千三百五十七貫
六百四十二

食貨志無爲軍白礬設官典領有鑊戶鬻造入官市每斤六
十錢天聖以來置務鬻礬後聽自鬻官至場售之私售礬禁
如私售茶法皇祐中無爲軍礬售緡錢三萬三千一百治平
中無爲軍礬錢歲有常課發運使領之元豐六年無爲軍礬
歲課一百五十萬斤用本錢萬八千緡

湯邦彥傳淳熙二年九月湯邦彥請分揚廬州荆南襄陽府
金州興元府興州爲七路每路文臣一人充安撫使以治民
武臣一人充都總管以治兵三載視其成以議詠賞從之

王希呂傳淳熙二年知廬州兼安撫使修葺城守安集流散兵民賴之

宇文紹節傳知廬州時侂冑方議用兵紹節至郡議修築古城創造砦柵專爲固圉計

金史僕散揆傳明昌六年十一月揆總大軍南伐進奪潁口下安豐軍遂攻合肥

章宗本紀泰和六年冬十月平章政事僕散揆督兵伐宋壬辰次廬江宋邱密遣劉祐來乞和

宋史寧宗本紀開禧二年五月詔伐金副都統郭倬主管馬軍行司公李汝翼會兵攻宿州敗績癸卯郭倬還至蘄縣金人追而圍之

開禧二年十一月戊子金人犯廬州田琳拒退之癸巳以金人犯淮告于天地宗廟社稷丙申金人去廬州

嘉定二年江淮制置使言汝廬濠三州忠義軍歸農

嘉定十七年夏四月詔廬州賑糶饑民

理宗本紀紹定三年李全叛淮東官兵王青力戰死之贈右武大夫蘄州防禦使

嘉熙三年淮西敢勇將官旺李威特與官三轉同出戰二百人官兩轉以賞廬州磨店北之功其陣沒者優與撫恤

度宗本紀咸淳元年八月元元帥阿朮帥大軍至廬州及安慶諸路統制范勝統領張林等逆戰沒於陣 鎮巢軍和州

太平州諸將查李文用孟浩等十一人以射湖萬歲岡後

廬州府志卷四十九
港及巢湖北岸戰功咸賜爵 十一月以夏貴爲淮西制置使兼知廬州

瀛國公本紀德祐元年七月以夏貴知揚州朱渙知廬州十月朱煥至廬州貴不納

元史郝都傳中統三年秋七月領蒙古漢軍略淮南廬州苦徹拔都兒傳至元二年由安慶入廬州聞宋兵至亟設伏於竹林擊殺之

塔出傳至元十一年以塔出爲鎮國上將軍帥師攻安豐廬壽等州俘生口數萬

伯顏傳至元十二年二月攻太平州丁卯知州孟之縉及知無爲軍劉權知鎮巢軍曹明俱以城降

忙兀台傳至元十二年忙兀台諭蘄黃安慶池州諸軍皆下之次丁家洲奪孫虎臣所乘巨舟與宋降將范文虎以兵五百諭降和州及無爲鎮巢二軍

玉哇失傳從丞相伯顏平宋賜巢縣二千五十二戶

昂吉兒傳鎮巢軍降阿速軍戍之人不堪其橫都統洪福盡殺戍者以叛昂吉兒攻拔其城擒福宋丞相文天祥復起兵海道舒民張德興應之襲破興國德安諸郡還據司空山詔昂吉兒攻之一戰而定殺張德興執其三子以獻

元史世祖本紀至元十三年勅淮西廬州置總管萬戶府以中書右丞河南等路宣慰使合剌合孫襄陽管軍萬戶邸淡並行府事

兵志世祖至元十五年分揚州行省兵於隆興府初置行省分兵諸路四月詔以伯顏阿朮所調河南新僉軍三千人還守廬州

阿荅赤傳阿朮之平江南也阿荅赤皆在行中著戰功歿於陣帝憐之特賜鎮巢之民千五百三十九戶命其子伯若兒襲職

解誠傳善水戰從攻宋焦湖之戰獲戰艦三百艘宋遣將率舟師來援誠據舟厲聲呵之援兵不敢動急移舟抵岸乘勢追殺之奪其軍餉三百餘斛

元史食貨志江南戶鈔至元二十二年分撥廬州等處三千四百九戶計鈔一百三十六錠

兵志天下州縣所設獵戶宣徽院管轄淮西淮東屯田打捕總管府司屬打捕衙門提舉司十處鎮巢提舉司二千五百四十戶

世祖至元二十二年詔改江淮江西元師招討司爲上中下三萬戶府蒙古從人新附諸軍相參作三十七翼上萬戶宿州蘄縣真定沂邾益都高郵沿海七翼中萬戶棗陽十字路邳州鄧州杭州懷州孟州真州八翼下萬戶常州鎮江潁州廬州亳州安慶江陰水軍益都新軍湖州淮安壽春揚州泰州弩手保甲處州上都新軍黃州安登松江鎮江水軍建康二十二翼翼設達魯花赤萬戶副萬戶各一人以隸所在行院

廬州府志卷四十九
至元二十八年降無爲和州二路六安軍爲州巢州爲縣入
無爲並隸廬州路

成宗本紀大德元年廬州路無爲州江湖汎溢漂沒廬舍歷
陽合肥梁縣及安豐之蒙城霍邱自春及秋不雨並賑之
中書省臣同河南平章孛羅歡等言無爲磬課初歲入爲鈔
止一百六錠續增至三千四百錠大率斂富民刻吏俸停竈
戶工本以足之亦宜減其數詔遣人覈實

塔海傳任廬州時有飛蝗北來民患之塔海禱於天蝗乃引
去亦有墮水死者皆以爲異民乏食開廩減直俾民糴之所
活甚眾

也蒲甘卜傳大德六年鎮廬州以私財築室一百二十餘間
以居軍士之貧者臺省以其事聞特命陞其職以金束帶賜
之

成宗本紀大德八年罷廬州路權茶提舉司

泰定帝本紀三年五月廬州鬱林州及洪澤屯田旱免其租

六月廬州德安梧州中慶諸路屬縣水旱並蠲其租

文宗本紀天歷二年十一月廬州旱饑發粟五千石賑之

至順元年二月揚州安豐廬州等路饑以兩淮鹽課鈔五萬
錠糧五萬石賑之 三月安慶安豐蘄黃廬五路饑以淮西
廉訪司贖罰鈔賑之

順帝本紀元統元年封撒敦爲榮王食邑廬州

至元元年撥廬州饒州牧地一百頃賜宣讓王帖木兒不花

至元二年以集慶廬州饒州禿禿哈民戶賜伯顏仍於句容縣設長官所領之

至元十二年立淮南江北等處行中書省治揚州轄揚州高郵淮安滁州和州廬州安豐安慶蘄州黃州

至正五年六月廬州張順興出米五百餘石賑饑詔旌其門陳思謙傳至正十一年廬州盜起思謙亟命廬州路總管杭州不花領弓兵捕之而賊已不可撲滅矣言於宣讓王帖木不花曰承平日久民不知兵王以帝室之冑鎮撫淮甸豈得坐視思謙願與王戮力殄滅且王府屬怯薛人等數亦不少必有能摧鋒陷陣者惟王圖之王曰此吾責也但鞍馬器械未備何能禦敵思謙括官民馬置兵甲不日而集分道竝進

遂擒渠賊廬州平

余闕傳至正十三年守安慶廣西猫軍五萬從元帥阿思蘭沿江以下抵廬州闕移文謂猫軍不當使之窺中國詔阿思蘭還軍

順帝本紀至正二十四年七月大明兵取廬州路

帖木兒不花傳至正十二年廬州境內賊起以所部兵及諸王乞塔歹等分道擊賊擒其渠帥廬州境內皆平帝聞之賜金帶銀鈔以賞其功

元史地理志廬州路上唐改廬江郡又仍爲廬州宋爲淮西路元至元十三年設淮西總管府明年於本路立總管府隸淮西道二十八年以六安軍爲縣來屬後升六安縣爲州戶

三萬一千七百四十六口二十二萬九千四百五十七領司一縣三州三縣三合肥上倚郭梁縣中舒城中州三無爲州中唐初隸光州宋始以城口鎮置無爲軍思與天下安於無事取無爲而治之意以名之元至元十四年升爲路二十八年降爲州罷鎮巢州爲縣以屬焉領三縣無爲上倚郭廬江中巢縣下

明史太祖本紀至正十五年五月太祖謀渡江無舟會巢湖帥廖永安俞通海以水軍千艘來附太祖大喜往撫其眾而元中丞蠻子海牙扼銅城閘馬場河諸隘巢湖舟師不得出忽大雨太祖喜曰天助我也遂乘水漲從小港縱舟還因擊海牙於裕溪口大敗之

廖永安傳太祖初起永安兄弟偕俞通海等以舟師自巢湖來歸太祖親往收其軍遂以舟師攻元中丞蠻子海牙於馬場河元人駕樓船不利進退而永安輩操舟若飛再戰再破元兵始定渡江策

俞通海傳元末盜起汝潁俞廷玉父子與趙普勝廖永安等結寨巢湖有水軍千艘數爲廬州左君弼所窘遣通海間道歸太祖

張德勝傳德勝合肥人與俞通海等以舟師自巢來歸破蠻子海牙水寨引兵自無爲趨浮山友諒犯龍江德勝總舟師迎戰至采石大戰沒於陣養子興祖巢人從援安豐大敗張士誠兵從平武昌遂克廬州

花雲傳陳友諒陷無爲州執知州董曾曾抗罵不屈沈之江
明太祖本紀洪武二年正月詔免無爲州今年租稅

洪武四年八月免中都淮揚及秦滁無爲州田租

兵志太祖都金陵合應天太平鎮江廬州鳳陽揚州六府滁
和二州民牧馬洪武六年設太僕寺於滁州統於兵部後增
滁陽五牧監四十八羣已爲四十監旋罷惟存天長大興舒
城三監

兵志洪武十三年添設廬州衛

陳植傳建文二年燕兵臨江植慷慨誓師部將殺之以降燕
王誅部將具棺殮葬植白石山上

成祖本紀永樂四年五月丁酉賑廬州饑

永樂十二年定南方養馬例鳳廬揚滁和五丁一匹應天太
鎮十丁一匹

食貨志洪武時兩淮設都轉運鹽使歲辦大引鹽三十五萬
二千餘引宏治時改辦小引鹽倍之萬歷時同鹽行直隸之
應天寧國太平揚州鳳陽廬州安慶池州淮安九府滁和二
州

世宗本紀嘉靖四年五月賜廬州知府龍誥官職詔天下倣
誥備荒賑濟法

嘉靖十年二月甲戌免廬鳳淮揚被災秋糧

嘉靖三十五年夏四月甲辰倭寇無爲州同知齊恩戰死

忠義傳舒城教諭孫士美崇禎八年春賊來犯縣令以公事

出士美代之守七十餘日城以全

張獻忠傳崇禎八年張獻忠圍廬州舒城俱不下攻桐城陷廬江屠巢無爲潛山太湖宿松諸城應天巡撫張國維禦之獻忠從英霍遁

盧謙傳崇禎八年二月流賊犯廬江士民具財帛求免賊僞許之俄襲陷其城是年賊陷巢縣知縣嚴覺被執不屈一門盡死

李自成傳崇禎九年春高迎祥李自成攻廬州不拔

史可法傳崇禎十年正月賊爲廬鳳軍所扼回桐城掠四境可法與潘可大勦捕賊走廬江七月擢可法右僉都御史巡撫安慶廬州太平池州四府冬部將汪雲鳳敗賊潛山京軍

復連破老回回舒城廬江賊遁入山崇禎十年三月二十六日

張獻忠傳崇禎十四年秋八月獻忠與革左三賀合攻陷舒城掠民益軍陷廬州知府鄭履祥死之陷無爲廬江習水師

於巢湖大監盧九德以總兵官黃得功劉良佐之兵戰於夾山敗績江南大震崇禎十五年三月

趙興基傳興基雲南太和人崇禎初以鄉舉通判廬州十五年張獻忠爲左良玉所敗走與諸部合遂以三月攻舒城踰月城陷改爲得勝州據之遣其黨分掠旁邑游騎日抵廬州城下興基與知府鄭履祥經歷鄭元綬合肥知縣潘登貴指揮同知趙之璞里居叅政程楷分門守監司蔡如蘅貪戾民不附賊謀滿城中不能知五月提學御史徐之垣以試士至

獻忠遣其徒爲諸生襲儒冠以入夜半舉礮城中大擾之垣如薊及履祥登貴竝縋城走與基時守水西門聞變挺刃下成樓與鬪斬數人被創死元綬楷共守南薰門元綬力鬪死楷不屈死之璞守東門巷戰死賊乘勢連陷含山巢縣廬江及無爲六安廬州城池高深八年春賊萬方力攻知府吳大朴堅守不下後屢犯不得志至是以計得之履祥登貴懼罪委之與基總督史可法察其寃以聞乃治守令罪而贈與基河南僉事楷光祿卿元綬亦贈卹

地理志廬州元廬州路屬河南江北行省太祖甲辰年七月爲府置江淮中書行省於此尋罷領州二縣六距南京五百十里洪武二十六年編戶四萬八千七百二十口三十六萬

七千二百宏治四年戶三萬六千五百四十八口四十八萬六千五百四十九萬歷六年戶四萬七千三百七十三口六十二萬二千六百九十八合肥倚郭西有雞鳴山肥水所出東南流入巢湖西南有紫蓬山東有浮槎山橫山又東南有四頂山俯矚巢湖湖周四百餘里中有姥山孤山又東北有滁水源出龍潭下流至六合縣入江又東有店埠河南有三汊河皆入巢湖東北有梁縣洪武初省西南有廬鎮關巡檢司後徙於縣東之石梁鎮舒城府西南西南有龍眠山與桐城縣界西有三角山又巢湖在東又南有北峽關亦與桐城界廬江縣府南元屬無爲州洪武初改屬府東北有冶父山東有巢湖東南有黃波湖西有冷水關有巡檢司無爲州洪

武中以州治無爲縣省入大江在東南東有濡須水一名天河自巢湖分流東北入江又東有奧龍河鎮東南有泥汊河鎮土橋河鎮北有黃雒河鎮四鎮巡檢司西北距府二百八十里領縣一巢州北東南有七寶山與含山縣濡須山相對時有西關在其上巢湖在西西北有柘臯河流入焉南有石梁河卽濡須上流也東南有青溪入焉西南有焦湖巡檢司

祥異

周匡王元年六月辛丑朔日有食之董仲舒劉向以爲楚滅舒蓼之兆

簡王十二年十二月丁巳朔日有食之董仲舒劉向以爲楚滅舒庸之兆

靈王二十三年八月癸巳朔日有食之董仲舒以爲楚滅舒鳩之兆

漢文帝四年六月大雨雪後三歲淮南王長謀反廢徙蜀

武帝建元元年有星孛於北方劉向以爲淮南王謀叛之兆

元光元年七月癸未先晦一日日食劉向以爲淮南衡山合

謀之兆

元狩元年十二月大雨雪民多凍死是歲淮南衡山王謀反
事覺

元封五年廬江獲龜二十枚長尺有二寸輸太官

永光五年夏及秋大雨水壞廬江民舍

後漢明帝永平六年二月王雒山獲寶鼎太守獻之詔納太
廟

十一年灑湖出黃金廬江太守以獻

安帝永初七年廬江大饑調零陵桂陽租賑之

順帝永和二年八月熒惑犯南斗斗爲吳明年江賊蔡伯流
等攻九江旋平

四年四月熒惑入南斗斗爲揚州熒惑犯之爲兵

六年九江丹陽賊周生馬勉等起兵攻浚郡縣

桓帝元嘉元年九江廬江大疫

獻帝建安二十二年居巢大疫

蜀漢後主延熙十五年十二月吳地大風震電是歲魏軍三
道攻吳諸葛恪破其東興軍二軍亦退明年恪攻新城喪
衆大半

二十二年新城疫死者大半

晉武帝太康十年十二月癸卯廬江雷大雨

元帝建武三年八月木連理生汝陰

大興二年五月淮南廬江諸郡蝗食秋麥

四年廬江縣民何旭家忽聞地中有犬子聲掘之得六母

犬青蒼色狀甚羸走入草中不知所在視其處有三犬子

大興雄雌

成帝咸和八年四月甘露降襄安縣蔣冑家

穆帝永和元年三月甘露降廬江郡內桃李樹太守路永以

聞

安帝義熙元年八月月犯斗第一星

星應之

按江左來南斗有災則吳越廬江諸郡各隨其

宋文帝元嘉十二年六月淮南等五郡大水

十七年五月白鹿見汝陰宋縣太守文道思以獻

二十年二月大流星出紫宮入北斗魁又一出貫索中經

天市垣後魏人殘破南豫等六州民死大半 八月木連

理生汝陰豫州刺史劉遵考以聞白鹿見譙郡蕲縣太守

鄧琬以獻

二十七年六月丙午白鹿見南汝陰豫州刺史南平王鐸

以獻

孝武帝大明七年五月辛未白雀見汝陰豫州刺史垣護之

以獻

梁武帝天監十二年合肥大水

北魏世宗熙平四年二月揚州上言汝陰縣木連理

梁武帝普通四年廬江大水

北魏世宗正光四年二月揚州上言汝陽縣木連理

唐高祖武德二年九月合州上言慶雲見

太宗貞觀十二年九月廬州獻野蘭
十五年五月癸未廬州獻白鹿

十七年合肥舒城大疫次年疫

武后垂拱三年巢縣產嘉禾廬州刺史裴靖以聞禾產唐海

田中一本六穗符載作表上之

元宗天寶十四年廬江郡人王恭家有李樹連理結紫實

代宗永泰八年六月庚辰廬州上言廬江縣紫芝草生一根

兩莖一丈五尺又合肥棠梨樹上烏鵲同巢

九年七月丁酉廬州獲白鼠二舒州獲白雀並獻之

文宗太和七年秋廬州大水害稼

昭宗天祐間廬州大火往往有持火夜行者或射之什皆概

版腐木及敗帚之類數月乃止

宋太祖建隆五年廬壽諸州大水

真宗景德三年五月無為軍甘露降

四年廬宿泗等州麥自生

大中祥符二年八月有青蛇出無為軍廨長數丈十六日大

風雨拔林木壞城門營壘民舍壓死千餘人九月復然晝

晦不可辨遣內侍張景宣馳驛郵視免次年租稅之半

五年舒城大饑無為軍甘露降於桐冬無麥苗

九年廬州產芝二本如縣余獻卿表上之四月瑞氣覆

巢湖郡守繪圖以獻

天禧元年五月甘露降廬州通判廳及后土祠

仁宗天聖九年六月廬州獲白兔

皇祐元年廬州合肥縣稻再實

三年無為軍軍土岡產芝三百五十本守臣茹孝標獻於朝賜名紫芝山

嘉祐四年九月廬州獲白兔

神宗熙寧四年九月廬州獲白兔

元豐元年梁縣嘉禾生

八年小山復產紫芝一本百莖是歲州人焦蹈狀元及第

高宗紹興五年大旱廬和濠楚州為甚

孝宗隆興二年廬州無為軍大水城市舟行者累日

三年六月廬舒蘄州水壞苗稼漂人畜

十一年無為軍六月不雨至於秋九月

十五年淮甸大雨水淮水溢廬濠楚州無為軍皆漂廬舍

田稼廬州城圯

十七年無為軍民大饑

十八年無為軍大旱

光宗紹熙五年無麥苗行都淮浙西東江東郡國皆饑常明

州寧國鎮江府廬滁和州為甚

理宗淳祐十年合肥廬江旱

元世祖至元二十七年正月無為路大水

成宗元貞二年廬州蝗

大德元年無為州江潮溢

武宗至大元年蝗民大饑無為尤甚

二年舒城合肥蝗

三年五月合肥舒城蝗

仁宗皇慶五年四月廬州合肥縣大雨水

英宗至治二年八月舒城饑

三年無為大水

泰定帝三年五月廬州屯田旱

八月無為大水

是年免廬州路田租

四年五月廬州路屬縣旱蝗

文宗天歷二年二月廬州路合肥縣地震

州蝗

三年正月揚廬安豐等郡饑

至順元年饑

三年無為州大水

至元元年廬州地震

至正十二年合肥甘露降栢樹次年降於松

明太祖洪武三十二年四月舒城秦鳳家產雞雛長頸方背

高足毛羽五采遍身如丹砂一時傳以為鳳

成祖永樂二年無為大水平地丈餘

英宗正統五年舒城饑餓草載道戶部主事鄒來學出粟賑

濟

景帝景泰六年舒城大饑人相食

英宗天順六年合肥舒城蝗
十七年二月甲寅廬州地震

憲宗成化三年三年巢縣大饑
孝宗宏治元年治父山古樹俗名木馬筋者忽枯至七年春
枝葉復生視昔益茂近五行志所謂青祥者

三年八月民間訛言兵變男婦奔走沈溺相失者不可數
計三五日始定
四年廬江大旱饑

五年二月甘露降合肥縣學柏樹巢縣學桂樹華

六年九月大雪至次年三月乃止積深丈餘中有五寸如
血山畜枕藉而死各縣多相同是歲廬江天井山龍池水

沸涌出破船

十七年淮揚廬鳳游饑人相食且發瘞瘠以繼之

武宗正德三年廬鳳淮揚四府饑 五月廬江大雨水溢

五年五月大雨水舒城無爲民田廬舍多沒

七年二月大雪色微紅雨豆茶黑褐三色星隕舒城棗林

岡赤光燭天未幾有流寇之警

八年舒城雨雹大如鷺卵或如升禾稼盡傷

冰厚二三寸人馬俱行其上

九年廬鳳淮揚旱無爲民田廬舍多沒

十三年蘇松廬鳳淮揚六府饑

世宗四年夏甘露降舒城學泮池棠梨樹

世宗嘉靖元年廬鳳淮揚四府同日大風雨雹河水汎漲溺
死人畜無算

二年夏旱秋淫雨無為舒城巢縣並饑斗米千錢朝命戶
部侍郎席書會同撫按賑濟

三年春大疫巢縣死者枕藉廬江饑秋舒城大熟

四年合肥麥自生七月大風折木壞禾稼

五年六月廬江旱立冬雷電雨雹

六年十一月舒城大雪至次年正月初一日尤甚平地深
數尺淡月始霽

七年秋合肥舒城蝗人跡食且

八年真定廬鳳淮揚五府饑廬江地震有聲如雷舒城石
自徙大二丈許有童子見而訝之曰石行乃止

九年合肥蝗

十年舒城大水禾苗淹沒

十三年旱饑廬江蝗

十四年旱饑廬江蝗

十六年三月巢縣地震人五月舒城蝗

十七年夏四月巢縣雪雹秋麥壞舒城大旱自正月至七
月不雨升米百錢民多餓死邑令林材設廠賑粥存活萬
人

十八年廬江旱江湖涌沒湖田舒城大疫死者枕藉于道

十九年二月巢縣大雪木冰二月廬江雨水林木大

十九年夏舒城巢縣蝗
二十年舒城歲豐斗米錢二十文
二十三年合肥無爲廬江巢縣俱旱巢地忽產鳧茨民賴
之
二十四年春舒城鷓子岡土人夢黃衣老嫗與語詰朝鋤
地獲黃金上有文其後人多無意獲之數月始盡
三十五年合肥大雨七月至九月河湖溢大害
三十七年舒城諸生夏世熙家產五色芝一本
十二月
巢縣大雷雨
三十八年舒城大水橋梁皆積禾苗淹沒廬江饑
二十九年二月癸卯巢縣地震舒城大有年

三十一年廬江大旱湖水俱涸

三十三年合肥旱

三十四年六月柘皋出蛟平地水深丈餘漂溺甚眾
七月

月甘露降舒城張鎰家凡上三日
八月鮑侁家產紫芝

十二月巢縣地震合肥樹木著冰皆成花草之狀既而

大雪雷電交作

三十六年正月巢縣雷電大雨
三月舒城諸生潘流光

墓側產紫芝

三十九年七月廬江巢縣無爲大水

四十年閏五月合肥舒城廬江無爲大水壞民居
巢縣

四十三年甘露降合肥學栢樹舒城旱
九月巢縣地震

有聲

四十五年舒城蝗旱禾稼盡枯無十二月大風雪巢縣湖
冰堅舒城雪竟月高數尺無冰大水

四十八年舒城旱彗星見於東方長竟天

穆宗隆慶二年正月巢縣訛言朝廷選民間女數日婚嫁殆

盡七月舒城大水

神宗萬曆元年五月舒城雨雹

四年舒城訓導解中產瑞蓮

五年舒城天鼓鳴聲如雷

六年十一月舒城大雪至次年平地深數尺

七年十月巢縣雷

八年無為巢縣水

十三年二月丁未廬州地震

十四年無為巢縣大水

十五年無為水

十六年元日巢縣學桂樹華

十七年郡屬大旱饑升米百錢人相食

十八年春疫巢縣旱

十九年十一月巢縣大雷

二十年舒城大熟斗米錢二十文

三十二年廬州大水

二十七年秋無為水

二十八年舒城水無爲大水

三十五年無爲廬江地震

三十六年春夏淫雨漂麥江水暴漲廬江無爲所在漂沒
六月水入巢縣城魚甚多圩民賴以爲食

三十九年無爲州有星隕於地化爲石

四十一年無爲巢縣大水圩田無不沒者

四十三年十一月十一日無爲州青天有白氣自東南至
北斗垣忽爲雷聲不見

四十四年八月飛蝗自北來合肥廬江無爲巢縣食稻過
半

四十五年合肥無爲廬江舒城蝗

四十八年舒城旱 十一月舒城無爲巢縣大雪至次年

二月始霽雪上多黑點如烟煤散落山陰處積至丈餘人
以爲黑雪云

熹宗天啟元年無爲大雷舒城大雪自冬歷春深踰丈窮民
餓死者甚眾正月廬江雨黑雪如墨

二年八月無爲地震蝗

三年舒城大水

四年正月十三日巢縣東門屋二十餘間陷入地器用材
木俱沒土中是年無爲巢縣水

五年夏無爲熒惑入斗秋杪出

六年合肥廬江大旱巢縣地震

莊烈帝崇禎元年無為水大風拔木

二年舒城大水

四年七月十七日無為地震

五年巢湖水清兩月是年旱

七年四月巢縣西鄉地裂長二十餘丈久之得雨而合

五月初旬日移午有大星見中天其光甚明星之東全月

並見皆相去不十丈蓋太白晝見陰甚陽微之徵秋廬江

孕婦生子雙頭四手四足次年寇至城陷

八年舒城旱 七月黑青見巢縣 十月柘皋田中出血

九年春巢縣龜山文筆峰下及小金山產紫芝數十木

冬無為州熒惑入南斗勾已三次

十一年舒城洪水巷井有聲

十二年舒城巢縣旱蝗無為遍地皆蝻人不得行

十三年舒城合肥旱蝗無為大水

十四年大疫郡屬旱蝗羣鼠銜尾渡江而北至無為數日

斃

十五年五月無為西南有青紅白氣冲天數日有烏鴉千

百繞城悲號初九日流賊破州城焚戮最慘

十六年正月十八日夜無為白虹見西南 夏大水 冬

地震五夜如風濤人馬之聲宿鳥俱起

十七年夏秋巢縣大旱無為旱

國朝順治元年合肥稔

二年秋舒城大熟

三年合肥稔災旱大旱無爲旱

四年無爲大水壽人無之饑饉息賦

五年無爲大風壞屋拔禾爲白地夏西南夏大水

六年正月六日無爲城門火二月巢縣大風吹城堞傾

倒數千丈大木俱拔南有青珠白泉中天濶日有暈

七年十月朔日蝕無爲晝晦星見

九年無爲廬江大旱二月舒城三月巢縣地震是月大風

吹二童子入雲中時大雨水深數尺衣履不濕良久下

十年正月廬江地震有聲三月二十三日微雨有龍首

尾俱見四月星隕黃泥岡化爲石大如斗夏大旱冬

天鼓鳴大雪鳥獸多死合肥大饑

十六年正月朔舒城廬江地震五日廬江又震又鳳石山

產芝數百本

十三年正月巢縣西門西聖宮有刻木龍舟龍口出涎並

生髭髯長寸餘

十五年舒城大水

十六年六月舒城大水

康熙元年合肥稔

二年合肥饑秋九月初二日無爲江壩破城中水深丈

餘半夏無爲此

五年舒城地震巢縣

六年合肥無為巢縣蝗

七年夏無為地震有聲合肥廬江舒城巢縣俱地震

九年舒城無為巢縣大水二日無魚五鰓如池中木將大

頭十年廬江慶雲見巢縣蝗無為舒城大旱饑

十一年秋合肥大熟先有蝗食麥撫院靳移文城隍神驅

之是歲春舒城大饑巢縣蝻生食麥及秧苗

十二年虎渡郡城北濠為居民所斃

十六年五月初四日巢縣雨雹

十七年正月二十五日巢縣雷

十八年無為合肥廬江巢縣大旱饑舒城旱

二十年合肥稔

二十二年十二月初九日巢縣雷

二十三年十二月十八日無為州巢縣天鼓鳴

二十四年正月十七日巢縣雷

二十六年無為大疫 四月二十日巢縣雨雹 十二月

初十日夜地動巢縣地震三日三日地震又震巢縣大水

二十九年無為舒城巢縣大旱 冬奇寒河冰數尺竹木

凍死廬江大旱蠲賑三十一日巢縣地震 十一月二十

三十年十二月十六日巢縣大雷 正月巢縣大水

三十一年無為巢縣旱白燕來巢 十二月巢縣雷

三十二年正月合肥三河鎮民家產麒麟無為廬江巢縣

旱自三月十六日至二十日大風飛沙 六月二十六日

五色雲見十六日至二十日大風疾甚 六月二十六日

三十三年正月十日巢縣雷寒五月初八日地震巢縣

月太學士李天馥廬墓白燕來巢 十二月巢縣雷

三十四年正月十五日巢縣地震 五月巢縣大水

三十五年正月二十一日巢縣地動 十一月二十

七日巢縣雷 冬青寒河水凍只廿木

三十六年正月巢縣地震三月初三日地又震巢縣湖水

清十六年無為大水 四月二十日巢縣雨雷 十二月

三十七年正月十六日巢縣雷電是歲合肥稔

三十八年六月二十五日舒城大水漂沒民舍合肥稔

三十九年正月十四日巢縣雷 冬無為舒城大雪深五

尺許

四十年十二月十四日巢湖南雨豆味苦合肥稔

四十一年無為大水合肥稔

四十二年合肥稔

四十四年巢縣麥秀兩歧

四十五年正月二十二日巢縣大雷 三月初一日九月

初四日無為巢縣天鼓鳴

四十六年十月巢縣無為州河水鬪

四十七年無為廬江巢縣大水 冬疫

四十八年春無為游饑居民採草根樹皮以為食大疫

四十九年無為舒城巢縣大水

五十年郡屬旱蝗正月十六日巢縣雷

五十一年十一月二十六日地動合肥旱

五十二年大水六月十一日無為州民張美成妻程氏一

產三男是年合肥稔

五十三年合肥廬江舒城旱蝗無為巢縣旱

五十四年六月無為甘露降于柳

五十五年正月初六日巢縣雷雨 五月無為江湖大漲

合肥廬江旱

五十六年無為州巢縣大有年

五十八年五月合肥洪水入城一日夜始退傾積民房無

數無為州大水發蛟圩田多沒廬江大水壞民居舟行城

市

五十九年無為大稔

六十一年無為旱

雍正元年無為巢縣大旱蝗合肥稔

二年三月二十八日舒城蝗蝻遍野溝壑皆平十數日盡

去 十二月十六日巢縣雷

三年七月巢縣大水

四年五月無為雨彌月不止圩田多沒 八月積雨江壩

破漂沒田廬舒城大風拔木雪雹大如雞卵 十月初五

日大雷電巢縣貢生唐廷祿田稻皆兩穗

五年廬江舒城水無為大雨圩田盡破饑民食草根樹皮

殆盡巢縣水湖多產菱民採以爲食合肥稔

六年夏無爲巢縣疫秋大稔

九年舒城象山孝子賈又彪墓田出稻較常粒四倍邑令
付先農壇佃作種以供粢盛合肥龔紹衣妻陳氏一產三
男

十年廬江大有年 秋舒城水

十一年無爲旱

十二年三月無爲大雨雹 冬旱

十三年合肥南二里高坡圩麥穗兩歧 十二月無爲州
虎至北郊數日斃之

乾隆元年冬無爲州大雪巢縣大水巢縣楊吳氏壽屆百

齡

二年正月初六日無爲西鄉民汪富生妻焦氏一產三男
合肥舒城廬江巢縣水

三年合肥廬江無爲旱

四年合肥廬江無爲旱

五年無爲蝗六月初八日文學魏海元子婦一產三男

六年春無爲水

七年無爲江湖大漲民多疫

八年春無爲大雪二月二十八日雨豆於州境 秋水

九年舒城潘劉氏壽百齡

十年合肥水

十四年合肥水

十八年合肥徐浩然妻一產三男

二十年合肥廬江無爲巢縣水

二十二年無爲水

二十三年合肥水

二十四年合肥水

二十九年無爲廬江巢縣水

三十一年無爲廬江巢縣水

三十三年合肥旱

三十四年合肥廬江無爲巢縣水

三十九年合肥旱

四十年合肥廬江巢縣旱

四十五年無爲許趙氏壽百齡

四十九年合肥方直五世一堂廬江何應魁五世一堂廬

江王汪氏壽逾百齡

五十年郡屬俱大旱道殣相望

五十一年合肥廬江無爲巢縣水

五十三年無爲廬江巢縣水

五十八年無爲水合肥劉均若壽百齡

五十九年合肥稔

嘉慶元年無爲程允文五世一堂親見七代

二年合肥旱

廬州府志卷五十一
三年廬江監生盧之時五世一堂親見七代
五年無爲職員薛宗倫五世一堂親見七代
六年廬江洪倉文壽逾百齡合胞監生蔡玉禾五世一堂
親見七代

廬州府志卷五十一

賜進士出身廬州府知府溫陵
佚事

漢藝文志有小說以謂出古稗官君子之欲多聞其取
之廣矣故以佚事存於此志其是非當否有勿論焉

華陽國志漢文帝末年廬江文翁爲蜀守穿湔江口溉灌繁
田千七百頃

又文翁爲蜀守立文學精舍講堂作石室在城南後遇火太
守陳畱高映更修又增二石室

玉海文翁爲蜀郡守造講堂石室一名玉堂安帝永初間烈
火爲災惟石室獨存

集古錄漢文翁石柱記云漢初平五年修周公禮殿

太平御覽文翁者廬江人爲兒童時乃有神異及長當初歷

下歧以作田文翁盡日斫伐柴薪以爲陂塘其夜忽有數

百頭野豬以鼻載土著柴中比曉成塘此條當有訛字

後漢書廉范傳范字叔度廬江郡掾嚴麟奉章弔國俱會於

路麟乘小車塗深馬死不能自進范見而愍然命從騎下

馬與之不告而去麟事畢不知馬所歸迺緣蹤訪之或謂

麟曰故蜀郡太守廉叔度好周人窮急今當是耳麟亦素

聞范名以爲然即牽馬造門謝而歸之

吳志妃嬪傳吳主權步夫人淮陰人漢末其母攜將徙廬江

以美麗得幸於權生二女長曰魯班字大虎少曰魯育字

小虎夫人性不妒忌多所推進故久見愛待薨追贈策命

皇后

晉書華譚傳譚字令思永寧初出爲郟令境內饑饉譚傾心

撫卹甚有政績再遷廬江內史以功封都亭侯在郡政嚴

而與上司多忤揚州刺史劉陶因法收譚周馥理出之及

甘卓討馥百姓奔散謂譚已去遣人視之乃更移近馥馥

歎曰吾嘗謂華令思是臧子源之疇今果效矣甘卓嘗爲

東海王越所捕下令敢有匿者誅之卓投譚而免及此役

也卓遣人求之曰華侯安在吾甘揚威使也譚答不知遣

絹二疋以遣之使反告卓卓曰此華侯也復求之譚已亡

矣

袁甫傳淮南袁甫與譚齊名以詞辯稱爲淮南國大農郎中
令石玠問甫曰卿知壽陽西何以恒旱壽陽東何以恒水
甫曰壽陽已東皆是吳人夫亡國之音哀以思鼎足強邦
一朝失職憤歎甚積積憂成陰陰積成雨雨久成水故其
域恒澇也壽陽已西皆是中國新平強吳美寶皆入志盈
心滿用長歡娛公羊有言魯僖甚悅故致旱京師若能抑
強扶弱先疏後親則天下和平災害不生矣

太平御覽紀邁廬江人本姓舒以五月五日生母棄之村人
紀淳妻趙氏養之年六歲本父母時來看語曰汝是我生
邁泣涕告趙趙乃具言始末及年十歲傭力所得輒分二
母各半淳亡無子邁乃斬衰三年六父母繼亡又並齊衰

心喪三年趙欲爲娶齋酒米往婚家遇醉人打趙體悶忽
有一狗直至銜邁衣如此者三邁心動走婚家逢醉人適
共舉酌於草中邁乃以擔煞二醉人趙歸得平乃詣縣首
令宥之邁乃誓不娶後邁嘗寢忽有一女言姓衛昨忽暴
死天神矜愍君無妻故使相報邁具說其狀母子至衛門
外果如言送喪上車牛不肯動趙乃與主人具說之主人
開柩女有氣息至晚便說始末如趙所言遂爲夫婦趙卒
邁絕復蘇者數四邁五十嘗病幾死夢神曰君行至孝延
歷將得百歲果九十七而卒

晉書郭璞傳璞行至廬江太守胡孟康被丞相召爲軍諮祭
酒時江淮清晏孟康安之無心南渡璞爲占曰敗康不之

信璞促裝去之後數旬而廬江陷
搜神錄廬江龍舒縣陸亭流水邊有一大樹高數十尺常有黃鳥數千枚巢其上時久旱長老共相謂曰彼樹常有黃氣或有神靈可以求雨因以酒脯往亭中有寡婦李憲者夜起室中忽見一婦人著繡衣自稱曰我樹神黃祖也能興雲雨以汝性潔佐汝爲生朝來父老皆欲祈雨吾已求之於帝明日日中大雨至期果雨遂爲立祠神曰諸卿在此吾居近水當致少鯉魚言訖有鯉魚數十頭飛集堂下坐者莫不驚悚如此歲餘神曰將有大兵今辭汝去畱一玉環曰持此可以避難後劉表袁術相攻龍舒之民皆徙去唯憲里不被兵

稽神錄江南神武軍使孫漢威廐中有馬遇夜輒尾上放光狀若散火羣馬驚嘶漢威以爲妖怪拔劍斬之數月除廬州刺史

又廬營田吏施汴嘗恃勢奪民田數十頃其主退爲耕夫不能自理數年汴卒其田主家生一牛腹下有白毛方數寸又旣長稍斑駁不逾年成施汴二字點畫無缺道士邵修默親見之

又劉威由廬州移鎮江西旣去郡中大火虞候申巡火甚急而往往有持火夜行捕之不獲或射之殪就視之乃棺版腐木敗帚之類郡人愈恐數月除張崇爲廬州刺史火災乃止

又廬州法曹吏嘗劾一僧曲致其死上州案其妻女在家方
紉經忽二青衣人手執大書自廚中出厲聲曰語爾夫何
故殺僧遂出妻女皆驚怪流汗吏歸具言之吏甚恐明日
將竊取其案已不及矣僧死之日卽遇諸塗百計禳謝月
餘竟斃

又廬軍吏蔡彥卿爲柘皋鎮將暑夜坐門外納涼忽見道南
桑林中有白衣婦人獨舞就視卽滅次夜扶杖往伏草間
久之婦人復出而舞卽擊之墜地乃白金一餅復掘地獲
銀數千兩遂致富云

搜神後記淮南陳氏於田中種豆忽見二女子姿色甚美著
紫纈襦青裙天雨而衣不濕其壁先挂一銅鏡鏡中見二
鹿遂以刀斫獲之以爲脯

錄異記錢塘江潮頭昔伍子胥諫吳王死臨終戒其子吾當
朝暮乘潮以觀吳之敗自是海門山潮頭洶涌高數百尺
越錢塘過魚浦方漸低小朝暮再來時有見子胥乘素車
白馬在潮頭中因立廟以祠廬州城內淝河岸上亦有子
胥廟每朝暮潮時淝河之水亦鼓怒而起高一尺廣十餘
丈食頃乃定俗云與錢塘潮水相應焉

前定錄寶應二年戶部郎中裴諝出爲廬州刺史有二遷客
一日武徹自殿中侍御史貶爲長史一日卜仲卿自刑部
員外郎貶爲別駕諝至郡三日二人來候謁諝方與坐俄
而吏持一刺云寄客前巢縣主簿房觀請謁諝方與二客

話舊語吏云謝房主簿相訪請俟他日吏以告觀曰某與使君有舊宜以今日謁固不受命吏又入白謂曰吾中外無房氏爲舊者乃令疏其祖父官諱觀具以對又於懷中探一紙舊書以授吏謂覽之愀然遽命素服引於東廡而弔之甚哀既出顧左右曰此有府職月請八九千者乎左右曰有名逐要者是也遽命吏出牒以署觀二客相顧甚異之謂歎息謂二客曰君無爲復患遷謫事固已前定某開元七年罷河南府文學至大梁陸仕佳爲浚儀尉某往候之仕佳座客方食有前襄州功曹叅軍房安禹私謂某曰少間欲有以奉托幸一至逆旅至則言欵甚密曰君後二十八年當從正郎爲江南郡守某明年當有一子後當爲所守郡一官君至三日當令奉侍然此子命薄不可厚祿願假俸十千已下此卽安禹子也徹等咸異其事

馬令南唐書李家明廬州西昌人談諧敏給善爲諷辭元宗賞花後苑率近臣臨池垂釣臣下皆登魚唯元宗獨無所獲家明因進詩曰玉鬚垂鉤興正濃碧池春暖水溶溶凡鱗不敢吞香餌知是君王合釣龍元宗大喜賜宴極歡嘗見牛晚臥美蔭元宗曰牛且熱矣家明乘談諧曰曾遭甯戚鞭敲角又被田單火燎身閒向斜陽嚼枯草近來問喘且無人相輔皆慙從元宗遷南都時已失江北十四郡舟楫多行南岸至趙屯因輟樂停觴北望皖公山謂家明曰好青峭數峯不知何名也家明應聲對曰龍舟輕颺錦帆

風正值宸遊望遠空迴首皖公山色翠影斜不到壽盃中
元宗慙之俛首而過

墨客揮犀太常博士李處厚知梁縣民有毆人死者處厚往
驗其傷以糟及灰湯之類薄之都無傷迹有一老父求見
曰驗傷而不見迹此易辨也以新赤油織日中覆之以水
沃屍其迹必見處厚如其言傷迹宛然自此江淮之間往
往用此法

入蜀記七月十一日至真州遊儀真觀在城南里許有老道
士出迎年七十餘自言廬州人能述儀真本末又十九日
過梟磯在大江中聳拔特起有道士結廬其上政和中賜
名寧淵觀舊說梟磯有梟能害人故名郡縣奏乞觀額時

惡其名因曰磯在水中水常沃石故曰澆磯

避暑錄李育字仲蒙吳人馮當世榜第四人登第能爲詩歌
性高簡故官不甚顯與外大父晁公善晁公尤愛其詩先
君嘗得仲蒙手書飛騎橋一篇於晁公字畫清麗以爲翫
橋在廬州境中詩後亡去略追記之魏人野戰如鷹揚吳
人水戰如龍驤氣吞魏王惟吳王建旗敢到新城傍篇計
十六句余五七歲時先君口授曰小兒識之

揮塵錄孫立者壽春人少爲盜敗露竄伏浣河中覺有物隱
然抱持而出乃木匣一啟視之銅印一顆云壽州兵馬鈐
轄之印印背云太平興國八年鑄三十年以從軍之勞差
充安豐軍鈐轄安豐卽昔日壽州也遂用此明清爲判官

日親見之

太平廣記何曇遠廬江人父萬壽御史中丞曇遠奉法持菩薩戒年十八丁父艱哀毀成疾殆將滅性號痛之餘歸心淨土庶祈感應時請僧數人曇遠向僧懺悔見佛身黃金色自西至呼令速去曇遠至五更忽然而終宅中芬馨數日

呂氏童蒙訓包孝肅公尹京時民有自言以白金百兩寄我者比死予其子不肯受願召其子予之及召其子辭曰亡父未嘗以百金委人也兩人相讓者久之公觀此事因曰誰謂世無好人

明隆慶志至元丙子春西淮閩帥夏貴歸元宣授中書左丞已卯死有弔以詩者曰享年八十三何不七十九嗚呼夏相公萬代名不朽又文信國集杜詩曰借問大將誰野骨當遂朽逆節同所歸水花笑白首

江南通志宏治初店埠東北居民修橋掘土得小石碣一長可三尺許上鐫慎縣界三字背刻少避長賤避貴六字按元楊瑀山居新語引律文有賤避貴少避老輕避重去避來之說疑此碣係元時所立

又嘉靖中舒城太學生周駿寓燕納妾外弟陶唐嘗相往來有鄉同舍生徐朝案者疑周妾私於陶置字案間周見之恚甚遂殺陶還自殺事聞拷掠終無主名及徐再入謁選甫至寓雪深數尺主人迎謂之曰君何來遲有周某者日

來訊君徐心動未及答而周與陶入矣其挾徐以去主人望影尾之雪中絕無人跡越歲忽得徐屍於一深井萬歷中錢令從長安聞其略及莅邑爲人士道之以示儆云

又舒城鳳凰橋官溝舊稱玉帶河碑沒已久街傍露頂可數寸萬歷中林尹出之旁鐫小楷宋紹定二年林知縣立喟然爲覆以亭誌之曰五百年舊蹟因作詩云五百年餘前後身而今桑海幾揚塵四郊只剩山川舊片石誰畱姓字新自信彼蒼應有意再來此地豈無因璇淵一水環如帶繼我遺功俟後人

十國春秋徐仲寶長沙人順義時爲舒城令已又改樂平令皆有能名仲寶在舒城日與家人見白氣斜飛而去中若有物仲寶婦以手攫之得玉蛺蝶一枚製作精工人莫能測及在樂平家人復於厠竈鼠穴中得錢甚多仲寶帥人掘其處深數尺有白雀飛出止於庭樹其下獲錢至百萬錢盡白雀乃去當時傳爲異事

江南通志米元章芾知無爲軍在郡時蝗不入境鄰縣移文咎芾謂驅蝗入彼芾判其尾云蝗蟲本是天災非干人事擠排敝司旣能遣去貴縣何不發來人傳爲風流名語云

又吳橫溪尊侍郎光義之祖也嘗以形家言卜得生壙族屬復有以形家言奪之者尊曰以一塊土爲爭端而薄宗族吾何忍焉遂棄之子守溪廷弼當光義令仁和時或言以茂宰父何不一覽西泠之勝廷弼曰吾爲子之事未畢敢

言爲父之樂乎以尊猶未安窀穸耳負土事竣始一往視見光義貌少瘁正色曰精神用在一處自無不足汝我一人子而仁和萬人父也汝不負爲萬人父卽不媿我子矣

又楊宗父重三自廬渡江從明太祖立功授成都中衛指揮同知宗當世官乃讓與弟襲偕弟至蜀爲別業以居與賢士大夫遊一日子入市得金告宗宗曰汝得而喜彼失而憂矣命往候失金者驗實還之

又成化間廬郡火災連焚數百餘家至朱震所居火忽飛越而過乃復蔓延震屋巋然獨存震素孝義人以爲至行所感云

又廬江人宋元徵知夏津縣運河淤漕滯元徵默禱河神躬

挽大纜前行水立湧千艘如駛

又傳堯黎時雍謹言行篤氣誼一友人病垂亡酷暑急謀喪具時雍卽呼匠到家代爲治之其妻曰今日爲兒製學中吉服而雜以凶器恐不祥時雍笑曰吉凶數也何害

又土橋鎮丐者不知何許人時曳竹持筐丐於市叩其姓名笑不答有客寄囊金於市僧僧受而潛置臥內其妻曝所藉草不知有金也久之客索所寄囊僧索諸婦婦覓不得窘且投河一市皆闕丐聞趨至曰我於路上草中得之者柰何苦而婦也取囊付僧封識如初客願分半與之丐銖兩不受後不知所終

又舒城史家岡史姓聚族居焉有史氏女歸胡福年二十三

福死夫黨欲奪其志史服男子服徒步三十里歸母家產遺腹子仕祥後仕祥事母孝冬夜臥必先溫母被有司旌之當仕祥少時有老人過門索茶因備雞黍食之且畱宿明日老人去謂仕祥曰汝母奇節汝又孝汝母百年後當以我席下地葬之又曰汝母辛勤織紝所積金藏之笥中勿輕發葬時須用也言畢不知所之未幾史族構訟更回祿廬舍爲榛莽史年九十七卒仕祥謀葬母老人所指席下地而史族子姓不從仕祥憶老人言以笥中所藏金與之遂得窆自後家日起四傳至守恆崇禎戊辰進士以編修殉國難諡文節守恆子永亨康熙庚戌進士雷廉巡道其餘子弟多顯者舒人每樂道其事爲節孝之報以史家

岡爲胡氏發祥之地云

康熙志周平園所跋包公戒子孫石刻末云天禧四年五月男琪奉命勒石世傳公子纒縋而不及琪豈家乘亦有誤耶

合肥志余闕姓唐兀氏父沙刺藏卜舊以余字加於沙刺藏卜之上是以子名爲父姓也誤矣

又宏治七年郡守宋公鑑令人平金斗岡作街市以居貧民當岡峽處有古溝高三尺闊二尺五寸甃甃甚固溝口有石一方刻云尉遲敬德監造或云敬德墓在蜀山麓

異志馬公亮少時臨牕下秉燭閱書忽有大手如扇自牕而入次夜又至公以筆濡雄黃水大書花字牕外呼曰速爲

我滌去不然禍及於汝公不聽而寢有頃怒甚索滌愈急
公不應將曉哀鳴而手終不能縮且曰公將大貴我誠犯
公何忍致我極地耶公獨不見温嶠燃犀之事乎公大悟
以水滌去字遜謝而去

輿地紀勝紹聖中香積喜師嘗編木黃池絕大江經巢湖有
謂師言者曰湖神之靈過者必祭師不聽既而果膠于淺
師曰湖神之靈我所知也我佛之威德湖神亦當知之吾
縱獲罪于湖神湖神安得壞吾佛之木哉言訖木起浮

採訪事實李貴合肥人熊廣泗僕也廣泗任千總謁漕院將
以事受杖貴前跪請曰奴願代主受杖杖訖傷重咯血未
匝月死自是貴之子孫熊氏皆善待之不責以事焉

又王合雲合肥人司鳳儀僕也司死家赤貧其妻老而無依
合雲行乞以養主母者十餘年司妻賴是得終天年邑人
見之者皆呼爲司氏義僕云



